



BIBLIOTHECA  
UNIV. JAGELL.  
CRACOVENSIS

905455


Mag. St. Dr.

II

5.



Sublet 36485 ✓



905455 II

Mag. St. Dr.




*N<sup>o</sup> 617*

*I: For: A 54.*

*42. 41.*







# CENSURA

PROPHETIARVM

DE

ROMANIS  
PONTIFICIBVS

QUÆSTIONIBUS MULTI-  
FARIIS ILLUSTRATA

&

COMPREHENSÆ.

AUCTORE

*dla Szkoty  
Klewanskiery*

R. P. GEORGIO GENGELL

SOCIETATIS JESU THEOLOGO.


\*\*\*\*\*  
LEOPOLI, Typis Collegii Societatis JESU. Anno 1724.



S. Paulus in Epistola una ad Thessalonicenses; Cap: 5to.  
*Prophetias nolite spernere. Omnia autem probate, quod bonum  
est, tenete.*

S. Hieronymus in Commentario suo super Epistolas S. A-  
postoli, sic explicat. *Prophetias nolite spernere &c. Sive  
futura prædicentes, sive præterita differentes: tantum ut pro-  
betis, si veritati non sunt contraria, quæ dicuntur; si quid tale  
fuerit, REFUTATE.*

35



905455

II



ILLVSTRISSIMO  
EXCELLENTISSIMO & REVERENDISSIMO  
DOMINO.

D. IOANNI  
SKARBEEK

ARCHIEPISCOPO METROPOLITANO  
LEOPOLIENSI.

ABBATI PLOCENSI.

DOMINO & PATRONO FAVENTISSIMO.



*Censura*, quam exigua hæc Lucubratio præsentat, aliter prodire non audet de tenebris, nisi illam *Tibi* porrigam ILLUSTRISSE REVERENDISSE ARCHIEPÆSUL. Sanè penetratis undiq; circumstantiis, peccaret in solem *Censura*, si antequam lucem publicam aspiciat, nondum se sisteret *Tuo* conspectui, quem sive Authoritate Metro-  
[1] polita-



politana, Supremum suæ Ecclesiæ Arbitrum; sive Majorū  
Titulis, sive Togâ, inter Purpuratos Patriæ Patres, Gravif-  
simum Patrem, ubiq; suspiciunt, adorant universi. Ama-  
bant quidem umbras suas, tum Malachiæ, tum Joachimi  
cæterorumq; nomine pervulgata vaticinia: serpebant etiam  
Pseudo-prophetiæ iniuriosæ in Ecclesiam Christi, ejusq; sū-  
mos & Sanctissimos Antistites, delitescabantq; eorum ima-  
gines sub ænigmatibus, quibus nonnisi facilis (ut solet) vul-  
gi credulitas, fidem, quam non noverat, faciebat: sed jam  
obscuris coloribus fucum detrahent splendores Tui: atq; sub  
Archi-Præsulei oculi perspicacia, Veritas eò clarius illuce-  
scet, quò eam profundior ignorātia sepeliverat. Debet enim  
illa sic coram *Te* comparere Doctore Sapiētissimo, cui Lau-  
ream Roma dedit, ut vel subreptitii partus suis exauthora-  
ti nominib; rejiciantur: vel convicta suæ falsitatis commē-  
ta, procul ab eruditorum mentibus expungantur. Ita pro-  
dibunt Romani Summi Ecclesiæ Pastores sub Tuis insigni-  
bus, omni ænigmaticâ umbrâ liberi, ut Sanctos, imò  
Sanctissimos decet: ibit fama e latebris sive *Gentilitiâ Tuâ*  
*Literâ* doctior, sive præcellentis *Tuæ* virtutis nitore, sive  
*Tui* Generis claritate vocalior. Hic Ego ad Altissimæ  
*Gentis Tuæ* non descendo Cunas, Cracio sublimes Vavelo,  
excellas magnanimitate, invictas fortitudine. Nota Orbi, Prin-  
cipis Familiæ Vestræ Auctorisq; Historia, cui tantum au-  
dere datum est, ut monstrum illud, prognatam ad Vistulæ  
ripas



ripas Hydram, citra Herculis commenta triumphârît. Id  
erat præludium felicissimorum cum Henrico Imperatore cer-  
taminum, quæ magno animo **JLLUSTRISSIMUS JO-**  
**ANNES SKARBEK**, Polonam Majestatem in exteros  
ferens Legatus est aggressus; & aggressus illa mente,  
quæ pro Gentis, & suæ esset Majestate. Opes illi  
in nervum belli contra Poloniam movendi collectas Augu-  
stissimus aperuerat; sed dives generoso Spiritu Legatus, ut  
pluris emeretur Regnum, thesauris annulum adjecit, do-  
cuitq; nondum tantû esse illud ærarium, ut mercædo Regno  
sufficeret. Egit tamen gratias Henricus, quibus insignitum  
stêma *Abdank*, auctûq; à Thesauro nomen, **JLLUSTRISS-**  
**SIMUS SKARBEK** in Patriam reportavit. At hæc  
Jllustrissimi Legati munificentia, Imperatori quidem, sed  
homini contigit; verû à *Michæle, Rusleo, IOANNE*  
*SKARBEK* Numen etiam numeravit opes, quorum alter,  
Lubinensem Divi Benedicti Eremum, Solejoviensem alter,  
Coprivnicensem ille plantavit; floretq; usq; hodie pretiosa,  
quod Authores suos planè aureos nacta fuerit. Quid ille  
Regni Primas, Primusq; Princeps, Prorex Poloniæ, *Vlo-*  
*stiborius Skarbek*? Virtute & dignitate maximus, fortuna-  
tus vel ideo, quod pro æquitate certantem, sua dignum irâ  
Vlodimirius Princeps censuisset. Cracovienses *Insulæ*,  
*Lamperti* Sublimes vertice; Posnanienses, *Petricii*; & si tot  
natura effudisset *Skarbkones*, quot seu Sacræ seu profanæ  
curules



Curules ambiunt, omnis in una Domo foret honor. Sed auri  
haud prodiga tellus, profunda demissione adorari volunt mō-  
tes, ut aliquid è nobiliore gleba porrigant, & sæcula roga-  
ri, ut *Skarbkones* è suo ærario concedant honoribus. Quā-  
quam munificentiam naturæ quid querimus? liberalis in  
Regnum, omnes ditavit Provincias; temporum accusemus  
avaritiam, quæ pretiosa nomina fastis denegavit. Laboravit  
tamen fortuna, ut nonnulla servasset honoribus, posterorum  
memoriæ transmississet ad virtutis admirationem. Vidimus  
illius gratiā servatos Illustrissimos ac Inviētissimos Castro-  
rum Imperatores, Hectores Lechiæ, *Skarbimirum* *SKAR-*  
*BEK*, *Vseboiumq;*, quorum dexteritate hostes cæsi. Vidi-  
mus in Palatinis Sandomiriensibus Purpuris, *ADALBER-*  
*TUM*; in Laticlaviis Castellaniæ Cracoviensis, *Skarbimi-*  
*rium*, Calissiensibus *NICOLAUM*, Radomienibus *ST A-*  
*NISLAUM*, hos adoravit honor, sibiq; tunc primum pla-  
cuit, cum tantis nominibus ligaretur. Mitto longam illo-  
rum Seriem texere, qui Polonas Curules impleverant; ne-  
mo enim in Pæsta, ad calculum vocadis suffecit rosis. Non  
tamen *Illustrissimi Parentis Tui CHRISTOPHORI*  
*SKARBK*, Haliciensis Castellani Purpurata virtus pen-  
nam fugiet; vivit Heroibus, grandis anima, Fascibus ho-  
nor, Senatui Consus, Reipublicæ Amor, omnium Deside-  
rium. Illo Aristide triumphabat Iustitia; illo Senatore ani-  
mabantur consilia. Et ne tantum Patriæ columnen cecidis-  
set,



let, *VLADISLAUS SKARBEK* honori Paterno successit; successit virtuti *ANTONIUS*. Tu *Illustrissime ARCHI-PRÆSUL* Fratribus Patreque Major, nimirum *JOANNES*. Accessit magnis Fratrum Nominibus, sive Regiminis eminentis dignitate, sive pietatis eximio decore, Parthenonis S. Benedicti, Reverendissima Abbatissa *Ursula-Theophila Soror Tua*. In Ea, vivam omnigenæ probitatis Imaginem, vitæ innocentissimæ Ideam spectat, Sanctus ille Virginum, seu potius Virtutum Cætus & sui Instituti Principem Divam *Scholasticam* sibi revixisse gratulatur.

Tu verò *Illustrissime* Effulges Primitiali Russæ dignitatis splendore Phæbus in Metropolitano Cælo; non uni Tibi *Illustrissimos servas Titulos*; Luceorientsibus, Cheremensis; Kiioviensibus Insulis donasti Capita Emeritissima, ut jam Te *Archi-Præsule*, Prælatorum Collegium, Præsulam Seminarium audiat, Sacrarumque Nidus Purpurarum. Et hic est Tui splendoris radius, quo affulgente ad Insulas venit, ejus felici lumine quisquis tangitur, ad dignitatum fastigia, ad fortunæ favores elevatur.

At cum Ecclesiis vigiles Pastores educas, Ecclesiam ipsam quo Pastoralis amore prosequeris! quibus curis decorem Domus DEI attollis! Mirabatur se Metropolitana Ecclesia seu temporum injuriâ, seu vetustate, rugas fuliginemque contraxisse; hodie à Tua sollicitudine, ita latiore

fron-



frontem explicat, induit ornamenta, ac si primum suo sereno nasceretur. Quos illi nitidiores apponis lapides, Memnones putamus, qui *Tuo* illustrati splendore *Te* loquantur. Sanè mutis parietibus suis non deerit sermo in *Tui* famam, Verbum habebunt intra medullam cordis; cui illam Cathedram elaboras, ex qua sui cultum, populum edoceat. Portatile illud Eucharistico Numini dum erigis Palatium, seu aureum vehiculum defigis in Altari, quò Divina latens sub velo fidei, Majestas circumferatur, abundè exhibet, quàm pretioso in Conchylio Gemma hæc lateat in *Tuo* Pectore, quantamq; illi in Animo comis puritatem, si inter Aras purissimo auro, velut Arcam fæderis inclusisti. Inhiabat quidem huic, quod in decus Numini datum est, metallo effrenis de Baltide Leo, emensoq; æquore, ut rapuisset prædam, involavit Metropolim; sed divitem offam subtraxisti faucibus zelosissimus Sacrorum Custos, & spem bellæ interemisti. Quin imò vitam furenti objeceras feræ, discriminibus exposuisti; tanti *Tibi* fuerat Christi patrimonium, ut vitam contempseris. Favuit utriq; benignum Numen, integritatem *Tuam* propugnavit reciproco affectu, & suas opes; at *Te* unice, quòd JOANNEM.

Hiccinè stetit *Tua* in Numen pietas *Illustrissime*? aureo passu progressa longius, quò *Illustrissimum* Parentem excessisti. Canonicam Mensam ampliasti, cujus initia  
*Illu.*



*Illustrissimus Castellanus posuerat; Tu ultra vota illius iu-*  
*sti, millenſis gratiis Canonicam augendo Curulem.*

Mittamné illam solitudinem, quâ Metropolitanæ Diœ-  
cesi laborasti? Eruditum Domicilium Clero, incudem  
pietatis, Gubernatorum Ecclesiarum Nidum, Sanctorum  
Sacerdotum Ærarium, optabant pridem omnes, cogitârunt  
multi: *Tu Illustrissime Archi-Præsul*, vix cogitaveras?  
fecisti. Viduatæ plerumq; Ecclesiæ Pastoribûs, siue fati  
inclementiâ, siue annosa deterente vires ætate, multo an-  
tea luctu afflictæ huc recurrent; accipient solatia lacryma-  
rum, sponſos sibi emeritos; at *Te Illustrissime* istarum gra-  
tiarum fontem coronabunt. Crescent eruditæ plantæ à san-  
ctiori Hortensio insitæ, *Archi-Præsuleo* sudore aspersæ,  
*Tuis* virtutibus excultæ, aureos dabunt fructus, qui ho-  
noris Divini sapiant incrementa, creditum sibi gregem nu-  
triant, invitent pretiosô exemplô, ne ad vilia se flectant a-  
nimæ. Immortalium gratiarum perennis famæ uberio-  
rem fontem aperuisse non poteras *Archi-Antistes* vigilantissi-  
me, avitam enim literam Gentilitiam *Tuam*, quisque ap-  
pendet pectori, hanc leget Ecclesia, legent sæcula, leget  
Cælum, & dicet *Abdank*.

Jam à pagina *Tuis meritis* gravi manum moverem,  
sed *Pietatis Tuae* argumentô nostris sæculis singulari vin-



cor: ut extra mœnia penna evolet. At quo tandem in il-  
las oras mitto stylum, quibus sacras dedisti ædes, crexisti  
altaria, Incolam fecisti Numen, quàm culta *Dunajovia*, *Ko-  
złovia*, *Konkolniciisq;* adyta! ultra terras sublime caput effe-  
runt, Religionem *Tuam* ostentant, & jam Cælo inferunt  
erigentis manum, nec munificentia *Tua* in Superos repere  
humi potest: non enim se telluri dedit, sed sideribus. Ex-  
citata sibi Domum spectat **DEUS**, spectant Cælites, nec  
sterili oculô, æterna *Tibi* disponunt Palatia, quibus *Te* se-  
ra fata inferant: ut qui hos intulisti Terris, ab illis doneris  
Empyreô. Et non longè aberat, quominus superas illas  
ædes ingredereris, clementiam tamen Numinis inclinârunt  
vota omnium, quibus minima nostra adjecimus, numerum  
saltem facturi, si non efficaciam: quid enim grande? quid  
æstimatione dignum à minimis, summis contingeret? in  
Aris pro *Te* Filium unicum suo æterno Patri obtulimus,  
ut servâssemus Pastorem, Agnum immolavimus; Pastro-  
rem inquam, sub cujus virga, Minima Nostra crescit Soci-  
etas: hâc se tuetur, illi innixa adversis ingruentibûs stat  
inconcussa. Attollis illam *Illustrissime Archi-Præsul* quo-  
ties arietamur: ictibus etiam cruditis opponis scipionem, &  
acumen obtunditur, profectus sistitur; nos interim sub *Ar-  
chi-Episcopali* Pallio tranquilli, *Tuis* fruimur favoribus,  
*Te* spiramus. Et tunc altissima Cælo misimus suspiria,  
cùm *Te* fama exspirantem declamaverat: superis Gratiaë,  
quod



quòd imos anhelitus nostros acceperint, ut *Tibi* restituerent. Accessit credo robustius Suffragium Divæ Matris, quæ ut à *Tua* manu in Socaliensi simulacro Coronam acciperet, institit: iterum suum Caput sub *JOANNIS* missura dextram. Annuit *DEUS* votis: accepit Regina Mundi *Dia-*  
*dema* à Primate Roxolano.

Cum ita Divina cûras *Illustrissime*, ut virtute *Archiepiscopulea* cæteros excellas, etiam vitæ subsidia, patrimonium Christi, ne in ruinam declinet, sagacissimâ arces diligentia. Exsucca calamitatibus prædia, *Te* vigile impingvantur, & quam ditia inopiâ accepisti, tam inopia egestate conservas. Archiepiscopalem Aulam qui nunc viderit, negabit unquam sui fuisse similem, omnis prope à *Te* illi decor: adjecisti tamen alium, quia *Te* Gemmam Præsulum, non aliâ decuit claudi Conchâ. Illud *Tibi Illustrissime*, *Tua Metropolis* declamat Elogium, quod sibi Augustus olim; lateritiam accepisti, relinquis marmoream. Vident tam excelsæ virtutis *Tuæ* vestigia Nepotes dignissimi, *CHRISTOPHORUS & RAPHAEL* & suos illis aptant gressus, suum uterq; Patrum daturus sibi. Ibunt *Te Præduce* sive ad Infulas, sive ad Murices: id spondet indoles, id Nomen, id Virtus spondet: Honor ipse divites comit Purpuras *Skarbkonibus*. Hæc ego recensui, ut *Te*, quod quidem palam est, in summitate meritorum constituisse demonstrarem: ideoq; summorum Romæ Caputum  
Nomi-



Nomina, procul omni rejecta umbra *Tuo* favori insinua-  
rem. Sub Archipræsuleum Pallium, in hac Lucubratio-  
ne veniunt, ut illud Pallium humanæ Opinioni detrahant,  
cui hucusq; involuta evolvi poterant difficulter, & lucem ab  
*Illustrissimo* accipiant. Acclamat *Tibi* posita in hac luce  
Veritas, ut vivas illius *Vindex*, vivas bono publico Se-  
nator, Metropolitanæ Diæcesis *Præsulum Caput*, omnium  
*Amor*, Beatissima vivas sæcula; idem acclamat etiam.

JLLUSTRISSIMO  
&  
REVERENDISSIMO  
NOMINI TVO.

*Devotissimus*

GEORGIUS GENGELL;  
*Societatis JESU.*





# APPROBATIO.

**L**ibrum, cui Titulus, *Censura Prophetiarum de Romanis Pontificibus*. Legi, conscriptum ab Admodum R. P. Georgio Gengell Societatis JESU doctissimo Theologiae Scholasticae consummato Professore, nunc Rectore Collegii Leopoliensis S. J. & cum liber ille nihil contrarium Fidei & bonis moribus contineat, quin, imò pro Dignitate Sanctae Sedis Romanae gloriose decertet, dignum luce publica censeo, & imprimendi facultatem perlibenter concedo. Datum Leopoli in Residentia DD. Canoniorum Leopoliensium, 12 Julii, Anno 1724.

JOANNES THOMAS JOSEPHOWIC Proto Notarius Apostolicus, Canonicus Leopoliensis, S. R. Majestatis Secretarius, Ordinarius Librorum per Archidiecepsim Leopoliensem, Censor.





# FACULTAS

R. P. Præpositi Provincialis Societatis  
JESU per Poloniam.

Cum Opus quod inscribitur *Censura Prophetiarum de Romanis Pontificibus &c.* à Patre Georgio Gengell Societatis JESU Theologo conscriptum, aliquot ejusdem Societatis Theologi recognoverint, & in lucem edi posse probaverint, potestate mihi facta ab Admodum R. P. Nostro Michæle Angelo Tamburino, præfatæ Societatis JESU Præposito Generali, facultatem concedo, ut Typis mandetur, si iis ad quos pertinet, ita videbitur. Cujus rei gratiâ, has Literas manu mea firmatas & Sigillô munitas dedi Cracoviæ. 11 Junii, Annô Domini 1724.

MARTINUS TRAMPCZYNSKI

m pp.





# PROLOGVS.

**L**ucubratio præsens continet Quæstiones septem, in quibus censurantur, & meritò (ut sufficienter patebit) reiciuntur Prophetiæ sequentes. Scilicet.

*In prima quæstione* censuratur & repudiatur Prophetia Pseudo-Malachia de successione Summorum Pontificum.

*In Secunda Quæstione*, non admittitur Prophetia, quæ attribui solet Ioachimo Abbati, de futuris Romanis Pontificibus.

*In tertia, quarta, & quinta Quæstione* reiciuntur Prædictiones hæ.  
1. Nullus Papa videbit annos S. Petri. 2. P. non erit Papa. 3. Si Papa aliquem canonizaverit, brevè post morietur.

*In sexta Quæstione* multæ Prædictiones Lutheri de Romanis Pontificibus, patenter erroris convincuntur. Et ostenditur Prophetiam ex Apocalypsis Cap. 9. v. 1. & 2. desumptam, verè convenire Luthero.

*In septima demum Quæstione* evidenter demonstratur, Prophetias quasdam ex Scriptura Sacra desumptas, nonnisi per summam Calumniam, impudentissimè à Luthero, Calvino, eorumque iuratis Assedlis, applicari Romanis Pontificibus. Ostenditur item, nullum vaticinium contineri de Luthero in Hymno Ambrosiano. Demum in eadem Quæstione 7ma, proponitur Antiquorum Patrum & Conciliorum sensus, de Romana Ecclesia, & eius Visibili Capite.

Patria



Patriarcha Novatorum Lutherus in Assertionem Articuli 25ti. scripsit. *Qui semel mentitur, hic certissime ex DEO non est, & suspectus in omnibus habetur.* Item in Libro contra Eusebium fol: 150 ait. *Si semel deprehenderer mentitus, jam tota mea Doctrina & honor Fidei, & fidelitas finem penitus haberet: unusquisq; me pro nequam & infami nebulone, ut equum est, habiturus esset.* Et en in Quaestionibus illis duabus 6ta & 7ma huius Lucubrationis, Lutherus, quin & Calvinus, multorum enormium & calumniosorum mendaciorum patenter convicti sunt. Hinc prudens Lector inferat, quid ei de utroq; sentiendum sit. Eximio autem in pretio, cum summa veneratione habendos esse Romanos Pontifices, Ecclesiamq; Romanam, testantur Columnae veritatis, Scilicet SS. Antiqui Patres, & Concilia Generalia, ut patet ex Quaestione 7ma fol: 107. nec non à folio 119 ad folium 128vum.

Fateor, Doctorem Gentium in sua Epistola 1ma ad Thessalonicenses cap: 5. scripsisse. *Prophetias nolite spernere.* Ast ex nunc Eum addidisse scio, *Omnia autem probate, quod bonum est, tenete,* Ut scilicet iuxta Explicationem S. Hieronymi superius annotatam, veris Prophetiis retentis, aliae quae Veritati contrariantur, reiciantur & refutentur.

Porro hic in Quaestione 1ma, 2da, 3ta, 4ta, 5ta continentur Prophetiae, nulli fundamento innixae, imò & à veritate deflecentes, ut in iisdem Quaestionibus, si non evidenter, saltem sufficienter probatum est, ideo eas reiciendas censeo; quod etiam nonnulli Eruditissimi Scriptores ante me censuerunt, quibus & Te Lectorem, veritatis amantem, ex integro, & animò sedatò, perlecta hac Lucubratione, accessurum, non diffido.





## QUÆSTIO I.

Quidnam sentiendum de Prophe-  
tia, quæ Nomine Sancti Malachiæ  
Episcopi Hyberni, circumfertur,  
in qua, omnes Romani Pontifices,  
futuri, inclusivè à Cælestino secun-  
do, usq; ad Mundi finem, per Sym-  
bola, & emblemata, describuntur?

*Antequam Respondeam.*

**P**Ræmitto imo. Arnoldus Vion, Dua-  
censis, Belga, Religiosus Sancti Benedi-  
cti, Anno 1595. edidit Chronicon, seu  
Ordinis sui Historiam, cui titulus: *Lignum vi-  
tæ, Ornamentum & decus Ecclesiæ.* Ille er-  
A go,



Quisnam pri-  
mus Scripto-  
rū meminit  
illius Prædi-  
cationis?

go, (Nota bene.) primus Scriptorum, inter alia,  
de Sancto Malachia, habet hæc: *Scriptisse fer-*  
*tur & nonnulla Opuscula de quibus nihil hacten-*  
*us vidi, præter quandam Prophetiam, de sum-*  
*mis Pontificibus, quæ, quia brevis est, & non-*  
*dum [quod sciam] excusa & à multis desiderata,*  
*hic à me proposita est.* Poniturq; cum explica-  
tione fic.

Ex Castro Tyberis; Cælestinus secundus.  
Typhernas, seu natus Typherni, quod est Ca-  
strum ad Ripam Tyberis. Et ita consequen-  
ter usq; ad Urbanum septimum, qui taliter de-  
scribitur. *De rore Cæli.* Antea Episcopus Ros-  
sanensis in Calabria, ubi manna legitur: ad-  
dit deinde Vion, Nomina aliorum trium.

Ex Antiquitate Urbis. Gregorius XIII.  
Pia Civitas in Bello. Innocentius IX.

Crux Romulea. Clemens VIII.

Quis eam in-  
terpretatus  
est?

Demum 35 reliqui futuri, recensentur sine no-  
minibus. Totum Schema Prophetiæ illius, vi-  
de ad calcem hujus Quæstionis. Porro Prophe-  
tiam illam, inclusive ad Urbanum VII. (Nota be-  
ne) non explicavit Sanctus Malachias, ut cer-  
tum est, fateturq; locò citatò, ipse Arnoldus Vi-  
on, sed solus & fere unicus R.P.F. Alphonsus  
Ciacco



Ciaconis, ex Celeberrimo Ordine Prædicatorum, qui fere eodem tempore vixit cum Arnoldo, scilicet Anno 1590: ab Urbano vero VII exclusive, ad Pontificē Innocentium XIII inclusive, explicârunt alii pro suo placito.

*Præmitto 2dó.* Sanctus Malachias ( ut con- *Compendiū  
vitæ Sancti  
Malachia.*  
stat ex Divo Bernardo) natus est in Hybernia, Anno 1094 ex Parentibus, Genere, & potentiâ Magnis; trigesimo fere ætatis suæ Annô, consecratus in Episcopum Connerethensem: postea circa Annum trigessimū sextum ætatis suæ fit Episcopus Ardinachensis, & Primas totius Hybernæ, dein, quinquenniô transactô in illa Sede Archiepiscopali, constituit pro se Gelasium Virum bonum, & dignum tali honore, ipse verò factus, Dunensis Episcopus: obq; certa quædam negotia Ecclesiastica, conficienda, pergendo Romam, ad Claram Vallem divertit. *inveni q;* ( inquit Sanctus Bernardus de se ) *gratiam in oculis ejus, extunc & deinceps, usq; ad obitum Ipsius.* Romæ præsens, ab Innocentio II, Papâ, cum multis lacrymis implorabat, licere sibi vivere & mori in Clara Valle; non autem obtinuit, sed illi commisit vices suas per universam Hyberniam, Legatum illum constituens; confectis negotijs



redeundo in Hyberniam, invisit secundò Claram  
Vallem, alta suspiria trahens, quòd non liceret  
sibi pro suo desiderio, ibidem remanere. Post  
innumeros labores, pro DEO, in Anglia, Scotia,  
Hybernia, exantlatos, multa, Prophetiæ Spiritu,  
prædicta, plurimacq; stupenda prodigia, patrata,  
dum secundò pergit Romam, divertit tertio ad  
Claram Vallem; ibi (verbis utor Sancti Bernar-  
di.) Die Solenni Beati Luca Evangelistæ, Mis-  
sâ, in Conventu, suâ illâ Sanctâ Devotione, ce-  
lebratâ, febre correptus, lecto decubuit, = = ju-  
bet se Sacro Oleo inungi = = ungitur, &  
sumptò Viaticò, Fratrum se Orationibus, &  
Fratres commendat DEO. Anno ætatis sue  
quingagesimò quartò, loco & tempore, quo præ-  
elegit & prædixit Malachias, Episcopus, &  
Legatus Sanctæ Apostolicæ Sedis, velut è mani-  
bus nostris assumptus ab Angelis, feliciter obdor-  
mivit in Domino. = = Parantur Exequiæ, of-  
fertur pro eo Sacrificiùm, consummantur ex more  
omnia, cum summa devotione. Omnibus ritè  
peractis, in ipso Oratorio, Sanctæ DEI Genitri-  
cis MARIÆ; in quo sibi bene complacuit Ma-  
lachias traditur sepulturæ, Anno ab Incarnati-  
one Domini 1148, quarto Nonas Novembris.  
Hucus



Hucusq; in vita Sancti Malachiae, à se conscri-  
pta, mellifluus Doctor, Sanctus Bernardus in-  
quam, Claræ Vallensis Cænobii, Primus Abbas,  
aliorumq; amplius centum sexaginta Monaste-  
riorum Pater, & ob miraculorum multitudinem,  
sublimitatem scientiæ, zelum Gloriæ Divinæ  
ardentissimum, svavitatemq; facundiae, toto Orbe  
celebratissimus; quem ipse Calvinus lib. 4to In-  
stitut. Cap. 7. §. 12. vocat, *Virum Sanctum.* &  
alibi, *Pium Scriptorem.* O quam multiplex  
Fidei Catholicæ Romanæ Veritas brevi illâ hi-  
storica narratione, Divi Bernardi Viri Sancti, &  
Pii Scriptoris, comprobatur! scilicet; Romanum  
Pontificem, non esse Antichristum, sed Summum  
Ecclesiæ Pontificem: Monasticam vitam DEO  
placere! Missam esse Sacrificium. Laudabile  
item esse Sacram Eucharistiam, per modum Vi-  
atici, à periculose infirmis, summi, nec non ex-  
tremam *Unctionem.*

*Exinde mul-  
ti Articuli fi-  
dei nostræ  
firmantur.*

*Premitto 3tio.* Divus Bernardus, Vitam  
Sancti Malachiae, primus exacte & fuse conscri-  
psit, impulsus ad id (ut ipsemet refert) tum in-  
tensis precibus Congani Abbatis in Hybernia,  
tum plurimorū aliorum, qui fere, semper conver-  
sabantur cum Sancto Malachia, & quæ de hoc

*S. Bernardus  
vitam Divi  
Malachiae  
conscripsit.*

San-



*Eidem ami-  
cissimus.*

Sancto Episcopo, certissime comperta illis erant, scribenda ei intimârunt; tum præsertim, quia cum Sancto Malachia, artissimam contraxerat amicitiam. Me (inquit ipsemet, in Præfatione in vitam hujus Sancti) inter speciales amicos, Sanctus ille habebat & eo loci, ut nulli in hac parte gloriæ secundum fuisse me credam. Nec mercede vacat mihi familiaritas Sanctitatis; Primitias jam accepi; in extremis positus erat  
= = accurri ego, ut Benedictio morituri, super me veniret; at ille, cum jam membra alia modere non posset, fortis ad dandam Benedictionem, elevatis Sanctis manibûs super Caput meum, Benedixit mihi, & Benedictionem hæreditate possideo; & quomodo ego illum silere queam? Exstant etiam Divi Bernardi ad eundem Sanctum Epist. 315. 316. & 317. nec non sermo in Ejusdem Festivitate.

*His præmissis.*

Censeo imo. Si non certò evidens, saltẽ certò probabilissimũ est, Prophetiam hanc, de successione illa  
Ro.



Romanorum Pontificum, erroneè  
adscribi Sancto Malachiae: sed ef-  
se commentitiam.

**R**atio est. Quia non tantum Divus Bernar-  
dus, amicissimus licet Sancto Malachiae, *Probatur, Propheta*  
ejusque vitae totius accuratissimus Scri- *illam non esse*  
ptor (qui omnia majoris momenti concernentia *S. Malachiae.*  
hunc Sanctum ab ejus intimis Sociis communi-  
cata sibi, habebat, ut dictum supra) sed etiam nul-  
lus omnino Scriptorum (in tanta copia Histori-  
corum, Auctorum, quorum scripta in magna co-  
pia habentur, ab Anno 1148. de Actis & succes-  
sione Summorum Pontificum.) Hujus Prophe-  
tiae ante Urbani VII Pontificatum, per Annos  
supra 440, ad Annum scilicet Christi, 1595.  
unquam meminit, etiam sub hoc, multum de Pro-  
babilitate, diminuente Terminò. Fertur, Pri-  
mus Arnoldus Vion, modicae Auctoritatis & Fi-  
dei Scriptor, post quatuor & ultra, ab obitu San-  
cti Malachiae, elapsa saecula, nullius locupletis,  
vel etiam idonei Auctoris testimoniò subnixus,  
adducit illam Prophetiam, nec profert, unde eam  
habe-



habeat? ex quo Manuscripto sit desumpta? An ex manuscripto S. Malachiae, aut alicujus alterius scriptoris? quam antiquo? ubi, in qua Bibliotheca inveniendū? qua fide transcripto? sed tantummodò dicit; *Fertur.* adeoq; solum, ex plurium incerto rumore, id se desumpsisse, fatetur. Meritò hic locum habet, celebre, ac veritati consonum, illud Eminentissimi Baronii Effatum: *Quod à recentiore Auctore, de rebus antiquis, sine alicujus vetustioris Auctoritate, profertur, contemnitur.* Altumq; tot saeculorum in praedictis circumstantiis silentium, vocali intonat sonò; Prædictionem illam esse fictitiam.

Sanctus Hieronymus, (quem Ecclesia Orthodoxa veneratur, inter quatuor summos, tam in Doctrina, quam in Eloquio Magistros) Periodos Pauli & Theclae, & totam baptisati Leonis fabulam, inter Apocryphas Scripturas computat, ex eo, primariò, quòd nullam horum mentionem fecerit Sanctus Lucas. *Quale enim* ) inquit ille in lib. de script: Eccles:) *est, ut individuus comes Apostoli, inter ceteras ejus res, hoc solum ignoraverit? Quidni etiam inter Apocrypha computari debet, dicta Prophetia. Quale enim est,*



est, ut inter Sancti Malachiæ Prophetias varias recensitas, illam solum, tam celebrem ignoraverint, individui comitis sui, Sancti Episcopi, vel eam non intimaverint Divo Bernardo, vel hic Sanctus intimatâ sibi, absolute reticuerit, tum in vita ejus, à se conscriptâ, & in sermone de ejusdem Festivitate; Tum in Libris quinçq, de Cōsideratione ad Eugenium 3tium, qui tamen in illa Prophetia, tertius est Ordine, describiturq; ; *Ex magnitudine montis.* Tum in quibuscunq; aliis scriptis suis, imò nec ullus alius ex Antiquioribus.

*Bibl. Jeq.*

*Confirmatur Censura Nostra.* Tum ex dictis infra in hac Quæstione. Tum quia ante aliquot Annos ex Italia, à Viro magnæ Eruditionis variarumq; Nationum Europæarum sensu, hac in Quæstione, peritissimò, ad me scripta sunt, hæc formalia: *Eruditi Viri, tum in Italia, tum Germania, Hispania, Gallia, valde dubitant esse verè Prophetiam Sancti Malachiæ circa successionem Pontificum, quæ dicto Sancto attribui solet: unde non sunt solliciti de explicatione, suppositæ Prophetiæ.* Explicationes enim, quas, aliqui otiosi, asserunt; aliæ, risum movent; aliæ contemptum. Nec non sat multi (in suis

B

libris



libris impressis ) Nobilissimi in Italia, Belgio, Gallia, Neo-Historici, inter quos sunt: Franciscus Carriere, Minorita Convent: D. Theol: P. Papebrochius, P. Menestrier, Prædictionem illam ( forte non immeritò ) appellant, rem futilem & ab incerto confictam Vaticinatore, & nullius debere esse momenti apud cordatos & probati ingenii atq; Auctoritatis Viros.

Censeo 2do. Prophetiam illam ab Arnolfo Vion adductam, & per R.P.F. Alphonsum Ciaconis explicatam, esse erroneam.

*Prophetia illa  
esse erroneam,  
demonstratur.*

**P**robatur id ipsum multipliciter. imò. Quia in illo schemate ponitur immediate post Adrianum IV, Victor IV: post Victorē, Calistus III; dein Paschalis III, demum Alexander III; cum tamen Adriano IV immediate successerit, Alexander III, verus Papa, legitime, priusq; etiam tempore electus fuerit, quàm Octavianus, Sanctæ Cæcilie Cardinalis, qui se dice-



bat Victorem Quartum, fuitq; Antipapa. Vi-  
ctori huic Antipapæ, successit Anno 1164 Gvi-  
do, Cardinalis Cremenfis, dictus, Paschalis III,  
etiam Antipapa, non verò Calistus III: modò  
primum post obitum hujus Gvidonis, seu Pa-  
schalis III, à nonnullis Schismaticis, quidam  
Joannes, Abbas Strumensis, electus Anno 1170,  
qui se dicebat Calistum III.

*Secundo.* Quia in illa prædictione, suc-  
cessionis Pontificum, veris summis Episcopis,  
à Spiritu Sancto electis, æqualiter, & promiscue  
immiscentur, illegitime electi, Schismatici, ab Ec-  
clesia anathematizati, octo Antipapæ. Imò hâc  
misculentia, videtur aliquo modo insinuari illos  
etiam, veros fuisse, summos Pontifices. Cum non-  
nisi duo ex illis octo in illa Prophetia designen-  
tur esse Schismatici. scilicet ubi dicitur. *Cer-  
vus Schismaticus.* Anno 1328. item ubi habe-  
tur *Schisma Barcinonicum.* Anno 1424. asse-  
rere autem etiam alios sex Antipapas, veros fuisse  
Pastores summos Ecclesiæ Catholicæ, est Hæ-  
resis.

Omitto, quòd in illa prædictione præter-  
mittatur *Vicedominus*, post electionem suam ipsa



die defunctus, qui non videtur omittendus, fuit  
 it Minorita & Archiepiscopus Aquensis, electus  
 post mortem Adriani V.

*Tertio.* Quia alter ævo suo Augusti-  
 nus, eximius Doctor Franciscus Suarez in 3. p.  
 Divi Thomæ, Disput: 53 Sect: 4. doctissime  
 & solide probat ex scriptura Sacra, & ex Sanctis  
 Patribus, ut Augustino, Cyrillo Jerosolimita-  
 no, Chrysostomo, Beda; à nemine posse affirma-  
 ri, non solum quô die, aut Annô, sed etiam quo-  
 nam determinatô tempore, sit futurum Judicium  
 extremum: Objectionesq; in contra, clare dis-  
 solvit: Quod idem præstant, & alii gravissimi  
 Theologi. Supposita verò certitudine illius  
 Prophetiæ, facile sciretur tempus Judicii extre-  
 mi, Mundiq; futura duratio.

## Confirmatur utraq; Censura nostra.

*Primo.* Quia non tantum ullus, hucusq;  
 repertus est, qui ausus esset comprobare so-  
 lide, Prophetiam illam, vere esse Sancti Ma-  
 lachiae; sed nec ullus, ex primæ Magnitudinis,  
 Scri-



Scriptoribus, eam, pronuntiavit, absolute esse veram. Unde tantummodo, ab aliquibus referri solet cum addito: *ut exstat, apud Arnoldum Nion.* Doctissimus item Cornelius à Lapide, plurimis, Sapientiâ & eruditione, plenis Voluminibus, in Sacram Scripturam editis, de Ecclesia, optime meritis, mentionem faciens hujus Prophetiæ, in Cap. 20. Apoc. ait: *Si hæc Prophetia vera est?*

Quin nec ipse R.P.F. Alphonsus Ciconis (qui teste Vione, illius Prophetiæ primum Interpretem egit, à Cælestino Secundo, ad Urbanum VII inclusive) potuit suo Patruo, ejusdem quidem Nominis & Ordinis, ast longe eminentioris Scientiæ, ac Eruditionis, persuadere, ut in præclaro suo Volumine, de Vitis Summorum Pontificum, & Cardinalium, vel mentionem aliquam, dictæ Prophetiæ faceret; cum tamen Volumen illud, Romæ ediderit, Anno 1601. sex Annis post impressum Lignum Vitæ, & decem Annis, post obitum Urbani VII, qui ultimus explicatur in illa Pseudoprophetia, ab Alphonso.

*Secundo.* Quia sæpe, præsertim verò ab  
Urba.



Urbano VII, numerando, tam ænigmaticæ sunt, descriptiones Pontificum sequentium, ut, explicatio illarum commoda, haberi non possit. imò (ut prudenter eruditissimus Pater Papebrochius notat cum pluribus) si quis de secuturis Pontificibus, experimenti causâ, velit penes se comminisci aliquid, excogitaturus ea sit, quæ multò commodiùs valeant electis quandoq; applicari, quàm applicari possint ea, quæ habentur de Urbani VII Successoribus, usq; modò: tantâ opus est ad id violentiâ, ut curiosius examinanti patebit. Unde conjicitur, Auctorem hujus totius Prophetiæ, fuisse aliquem, qui vixit non longè ante tempora Urbani VII.

*Prævalida  
confirmatio  
dictorum &  
dicendorum.*

*Veritatem Censuræ nostræ.* De prædicta Prophetia nec non de aliis quatuor succedentibus Prædictionibus (quæ infra Cap. 2, 3. 4. 5. continentur) confirmat ac notabile illi pondus addit Romana ex Urbe petatum Argumentum. Nam priusquam prælo Typico subjiceretur præsens Lucubratio, illius materiam (ita volente Admodum R.P. nostro Generali Præposito Universæ Societatis) in breve compendium redegei, atq; eidem Romam submisi, ut nempe ejusdem oculis



culis ac iudicio veluti ad unum intuitum tota  
res quæ hic tractatur, simul pateret, antequam lu-  
cem aspiceret. Qui porrectam sibi Epitomen  
Libri, Reverendis Patribus Revisoribus Ro-  
manis, Viris summae eruditionis & limatissimi  
iudicii cum comisisset revidendam, ab iisdem, in  
scripto, huiusmodi accepit sententiam. *Compen-  
dium libri, cui titulus: Censura Prophetiarum  
de Romanis Pontificibus. Attentè ex Man-  
dato Paternitatis Vestrae perlegimus, & nihil  
nobis videtur habere, quod sit contra Fidem, aut  
bonos mores: imò studium illud, quo Author co-  
natur evellere popularem illam & nullo idoneo  
fundamento nixam credulitatem circa Propheti-  
as, quæ circumferuntur, non parum facit ad veram  
Fidem tuendam. Idem Argumentum ab aliis,  
sed optimè pertractatum Gallicè habemus à Patre  
Claudio Menestrier Societatis nostræ, cum omni-  
um eruditorum & prudentum Virorum plausu.  
Paternitatem Vestram humillimè veneramur, &  
Sanctissimis Sacrificiis nos impense commendamus.*

*Humillimi in Christo Servi.*

Edvardus de Vitry.

Jacobus Ghezzius.

Ex Collegio Romano, 6ta April: 1724.

Admo.



Admodum Reverendus Pater Noster Româ  
misit mihi scripti illius Copiam, eamque re-  
cepi 30 Maij. Anno præsentis 1724.

**F**ateor me non legisse unquam Patris Mene-  
strier librum: sed in libro Responsionum Pa-  
tris Papebrochii ad exhibitionem errorum ad  
Articulum 2. §. 13. legi hæc. *Rerum Antiqua-  
rum indagator Solertissimus P. Claudius Mene-  
strier Societatis IESU, natione Gallus, nuper  
peculiari librò dictæ Pseudoprophetiæ inanita-  
tem explosit, cui hactenus à nemine contradicitur.*

Necq; dicas. Utiq; ipsemet Pater Papebrochi-  
us dedicando Clementi IX Tomum 1. Martii,  
editum Antverpiæ, Anno 1668. Clementis IX  
electionem asserit, prænominatam ex Malachiæ  
Vaticiniis: in illa enim ejus Oratione dedicatoria  
leguntur hæc. *Paucis antequam ad Pon-  
tificatum eligeretur diebus ex ipsis literis, qui-  
bus Dominus Rospigliosius scribitur, anagramma  
simul, & omen quidam eruit, eis, quæ sub  
Malachiæ Nomine circumferuntur, Vaticiniis*



cōgruum, seq̃ credidit purpuratorum Patrum,  
Senatui posse personam tuam, ad vicarias Chri-  
sti Vices gerendas, vel ut digitō indicare ac scri-  
bere, **SIGNO IPSI SIDUS OLORUM.**

Ad hanc Objectionem Respondet ipsemet  
Pater Papebrochius, citatō superius librō, §. 13.  
*Applaudebam Auctori Anagrammatis bono*  
*cum omine inde tracti, cui ipsemet applauserat*  
*Pontifex; non tamen aut hic, aut ego propterea*  
*credidimus, ea, quæ sub nomine Malachiae cir-*  
*cumferuntur Vaticinia, aut Divina esse, aut sal-*  
*tem Sancti Episcopi Malachiae. \* \* \* Esto autem*  
*putassem cum vulgo, & Sancti Malachiae esse &*  
*divinitus accepta Vaticinia fuisse, an turpe est,*  
*studendo proficere, & vulgō relictō, Sapientiori-*  
*bus tandem adherere?*

Ex dictis habetur primò. Minus rectè eos  
facere, qui veritatem certissimam Fidei Catho-  
licæ, in Libris etiam impressis probare nitun-  
tur illâ Pseudoprophetiâ; vel eam in Concioni-  
bus, multum deprædicant.

*Adversio binā,  
notatu digna,  
& perutilis.*

C

Secundo



2dò *Habetur*. Expedire, ut Pseudoprophetia, ab Orthodoxis, præter dicta, rejiciatur ex eo etiam. Quia juxta eam, à moderno summo Pontifice, **BENEDICTO XIII**, ad ultimum inclusivè, nominaturq̃, Petrus secundus (qui dicitur gubernaturus Ecclesiam, in tribulationibus, quibus transactis, Civitas Septicollis, nempe **Urbis ROMA**, diruenda: Judiciumq̃ extremum futurum.) solum restant Pontifices viginti duo, & fortè inter illos, aliqui Antipapæ; tot verò numero Pontifices, nempe viginti duo antecedentes, continuatâ serie ascendente, à Benedicto XIII (qui Pontifex Maximus creatus die 29 Maji, Año 1724, felicissimè Ecclesiam Sanctam nunc regit: Utinam & diutissimè!) ad Paulum IV, solum insimul sumpti, vixerunt ferè Annis 160, quare restarent solum circiter Anni 160 à Benedicto XIII ad extremum judicium. Periculosum autem est, ne transactis illis Annis 160, nec comparente judiciò extremò, imò aliis succedentibus de novo Pontificibus, illudant & insultent, infideles, & Hæretici, Catholicis, quòd fidem habuerint Prophetiæ, quæ ipso rerum eventu convicta est palpabiliter falsitatis & erroris.



# VATICINIVM

Quod Nomine Sancti Malachiae  
Episcopi circumfertur.

Prophetia.	Nomen Pōtificis.	Explicatio Prophetiae.
Ex Castro Tiberis.	CÆLSETIN⁹ II.	Oriundus Typherno, Castello Umbriae in Italia.
Inimicus expulsus.	LUCIUS II.	Familiā Cacciani- micā.
Ex Magnitudine montis.	EUGENIUS III.	Ex Oppido Montis Magni.
Abbas Suburban⁹.	ANASTASI⁹ IV.	Ex Abbate Sancti Ruffi, Familiā Sa- burnā.
De Rure Albo.	ADRIANUS IV.	Rurali Familiā ex Oppido Sancti Al- bani.
Ex tetro carcere.	VICTOR IV.	Cardinalis Sancti Nicolai in Carcere Tulliano.

Anno Christi  
1159.  
Antipapa.

Cara



Anno 1164.  
Antipapa.  
Anno 1170  
Antipapa.

Via Trans Tiberim.	CALISTUS III.	Cardinalis S. M. trans Tyberim.
De Pannonia Tu- sciae.	PASCHALIS III.	Ingarus Cardinalis Tusculanus.
Ex anseris custode.	ALEXANDER III.	Familia Papparona.
Lux in Ostio.	LUCIUS III.	Cardinalis Ostien- sis.
Sus in Cribro.	URBANUS III.	Cribellus, ejus in- signia Sus.
Ensis Laurentii.	GREGOR. VIII.	Cujus, Insignia en- ses, Cardinalis S. Laurentii.
De Schola exiet.	CLEMENS III.	Domo Scholari.
De rure Bovenfi.	CAELESTIN <sup>9</sup> III.	Familia Bovenfi.
Comes signatus.	INNOCENTIUS III.	Comes Signae.
Canonic <sup>9</sup> de latere.	HONORIUS III.	Canonicus Latera- ni.
Avis Ostiensis.	GREGORI <sup>9</sup> IX.	Insignia Aquila, Car- dinal: Ostiensis.
Leo Sabinus.	CAELESTIN <sup>9</sup> IV.	Cuius Insignia Leo, Cardinalis Sabinus.
Comes Laurentig <sup>9</sup>	INNOCENTIUS IV.	Comes Fliscus. Car- dinalis Sancti Lau- rentii.



Signum Ostiense	ALEXANDER IV.	Comes Signia, Cardinal: Ostiensis.
Hierusalem Campaniæ.	URBANUS IV.	Campanus, Patriarcha Ierosolimitanus.
Draco depressus.	CLEMENS IV.	Cujus insignia Aquila, Draconem unguibus premens.
Angvinis Vir.	GREGORIUS X.	Vice Comes, insignia Angvis.
Concionator Gallus.	INNOCENTIUS V.	Gallus, Ordinis Prædicatorum.
Bonus Comes.	ADRIANUS V.	Otobonus, Comes Flisensis.
Piscator Tuscus.	JOANNES XXI.	Petrus Cardinalis Tusculanus.
Rosa composita.	NICOLAUS III.	Dictus compositus, Familiâ Urfinâ, cujus Insignia, Rosa.
Ex telonio Iiliacci Martini.	MARTINUS IV.	Cujus Insignia, Lilia Thesaurarius S. Martini Turonensis.
Ex Rosa Leonina.	HONORIUS IV.	Sabellus, cujus Insignia, Rosa, à Leonibus.



Picus inter escas.	NICOLAUS IV.	nibus gestata. Picenus, Patria E- sculanus.
Ex cremo cellus.	CÆLESTIN⁹ V.	Ex Eremita Ponti- fex.
Ex undarum bene- dictione.	BONIFACI⁹ VIII.	Benedictus Cajeta- nus, cujus Insignia, Unda.
Concionator Pa- tercus.	BENEDICT⁹ XI.	Nicolaus, ex Ordine Prædicatorum.
Defossis Aquita- nicis.	CLEMENS V.	Aquitanus, cujus Insignia, Fosse.
De sutore Offeo.	JOANNES XXII.	Familiâ Ofsâ, sutoris Filius.
Corvus Schisma- ticus.	NICOLAUS V.	Corbarius, Antipa- pa.
Frigidus Abbas.	BENEDICT⁹ XII.	Abbas fontis fri- gidi.
De Rosa Atreba- tensi.	CLEMENS VI.	Atrebatensis, ejus insigne, Rosa.
De Montibus Pam- machii.	INNOCENT. VI.	Cardinalis, tituli Pammachii, cujus Insignia, sex montes, Gal.

Anno 1328  
Antipapa,



Gall9 ViceComes	URBANUS V.	Gallus, ad ViceComites Mediolanenses Nuntius &c.	
Novus de Virgine forti.	GREGORI9 XI.	Dictus Petrus, Comes Bellefortis: Cardinalis, tituli Sanctae Mariae novae.	
De Cruce Apostolicâ.	CLEMENS VII.	De luna, Cardinalis SS. XII Apostolorum, cujus Insignia, Crux.	Anno 1378 Antipapa.
Luna Cosmedina.	BENEDICTUS XIII.	Petrus de Luna, Aragonius, Diaconus Cardinalis B. M. V. in Comedina, cujus Insigne, Luna.	Anno 1393 Antipapa.
Schisma Barchinonium.	CLEMENS VIII.	Antipapa. Canonic9 Barchinonensis.	Anno 1424 Antipapa.
De Inferno praegnant.	URBANUS VI.	Pregnanus, natus in loco, qui infern9 dicitur.	
Cubus de mixtione	BONIFACI9 IX.	Thomacellus, cujus Insignia, Cubus.	Di.



De meliore fidere.	INNOCENTIUS VII.	Dictus Cosmatus de Melioratis, cujus Insignia, Sidus.
Nauta de ponte nigro.	GREGORIUS XII.	Venetus, Præses Ecclesiæ Nigropontanæ
Flagellum Solis.	ALEXANDER V.	Archiepiscopus Mediolani, S. Ambrosii; illius Insignia, Sol, ut in nummis Antiquis videre est cum flagello.
Cervus Sirevæ.	JOANNES XXIII.	Cardinalis S. Eustachii, cum cervo, Bononiæ Legatus, Neapolitanus.
Corona veli aurci.	MARTINUS V.	Columna, cujus Insignia, Columna cum Corona: Cardinalis Sancti Georgii ad Velum aureum.
Lupa Cælestina.	EUGENIUS IV.	Canonicus Cælestinus, Episcopus Severensis.



Amator Crucis.	FELIX V.	Dux Sabaudie, A=	Anno 1439.
		madeus, cujus Insi=	Antipapa.
		gnia, Crux.	
De modicitate Lunæ.	NICOLAUS V.	Lunensis, humili ge=	
		nere.	
Bos pascens.	CALISTUS III.	Insignia, Bos pa=	
		scens.	
De Capra, & Al=	PIUS II.	Secretarius Cardi=	
bergo.		naliū, Capranici=	
		Albergati.	
De Cervo & Le=	PAULUS II.	Præses Ecclesiæ Ce=	
one.		ruensis, Cardinal:	
		S. Marci, qui Leo	
		dicitur.	
Piscator Minoritæ	SIXTUS IV.	Piscatoris Filius,	
		Minorita.	
Præcursor Siciliæ.	INNOCENTIUS VIII.	Ioan: Baptista; Au=	
		licus Regis Siciliæ.	
Bos Albanus in	ALEXANDER VI.	Cujus Insignia, Bos,	
portu.		Cardinal: Albanus	
		& Portuensis.	
De parvo homine.	PIUS III.	Piccolhomineus.	
Fructus Jovis ju=	JULIUS II.	Insignia, Quercus,	
vabit.	D		



De Craticula Po- litiana.	LEO X.	<i>Arbor Iovis. Laurentii Medices Filius, Politiani Di- scipulus.</i>
Leo Florentinus.	ADRIANUS VI.	<i>Florentii Filius, In- signia, Leo.</i>
Flos pilei ægri.	CLEMENS VII.	<i>Medices Florenti- nus, cujus Insignia, boli &amp; lilia.</i>
Hyacinthus Medi- corum.	PAULUS III.	<i>Farnesius, Insigne, lilia cærulea Cardin- SS. Cosmæ &amp; Da- miani, Medicorum.</i>
De Corona Mon- tana.	JULIUS III.	<i>Antea dictus, Ioan- Maria de monte.</i>
Frumentum Hoc- cidum.	MARCELLUS II.	<i>Cujus Insignia fru- mentum floccidum; brevis Pontificatu.</i>
De Fide Petri.	PAULUS IV.	<i>Antea Petrus Ca- rafa.</i>
Æsculapii pharma- cum.	PIUS IV.	<i>Ioannes Angelus Medices.</i>
Angelus nemoro- sus.	PIUS V.	<i>Ordinis Predicato- rum</i>



Medium corpus pilarum.	GREGORI <sup>9</sup> XIII.	rum, Michael, ex Oppido Boschi. Cujus insigne medi- us Draco, gestans Cardin: pilas, Pii IV. à quo creatus est Cardinalis.
Axis in medietate signi.	SIXTUS. V.	Qui axem in medio Leonis pro insigni habet.
De rore Cælesti.	URBANUS VII.	Archiepiscopus Ros- sanensis in Calabria, ubi manna legitur.
Ex Antiquitate Urbis.	GREGORI <sup>9</sup> XIV.	Utroq <sup>ue</sup> Parente, an- tiquissimæ Familiæ; ipse Antiquitatum Urbis restaurator.
Pia civitas in bello	INNOCENTIUS IX.	Nemo hucusq <sup>ue</sup> expli- cavit.
Crux Romulea.	CLEMENS VIII.	Cujus insigne, trabs argentea; tribus se- gmentis interstin- cta, ad modum Cru- cis



Undosus Vir.  
Gens perversa.

LEO XI.  
PAULUS V.

cis, Pontifici Ros-  
mani.

Paralyti obnoxius.  
Cujus tempore gens  
perversa Bohemo-  
rum hareticâ labe,  
infecta contra Reli-  
gionē Catholicam, &  
Ecclesiæ columnâ, do-  
mū Austriacâ, insur-  
gens, totam Rempu-  
blicam Christianam  
turbavit.

In tribulatione per-  
cis.

GREGORIŸ XV

Sub quo Imperium  
maximè turbatum,  
nunquam hucusq; re-  
spiravit.

Lilium & Rosa.

URBANUS VIII.

Florentinus, cui Ur-  
bi, lilium, pro insi-  
gni, ipsæ Rosæ ami-  
cissimæ apiculæ, vel  
alluditur ad Urba-  
num IV, cujus insi-  
gnia



Jucunditas Crucis.

INNOCENTIUS X.

Ignia, Liliū, &  
Rosa.

Cujus Insignia, co-  
lumba, Suavem pacis  
olivam gestans. Ele-  
ctus in Festo San-  
ctæ Crucis.

Montium Custos.

ALEXANDER VII.

Cujus Insignia, Mon-  
tes, quibus Sidus  
Cæleste, velut oculus  
& Custos superemi-  
net. An quod electus  
in Festo SS. Ange-  
lorum Custodum.

Sidus Oloris.

CLEMENS .IX

Antea dictus, Rospi-  
lios, inde mutata li-  
tera p. in d. fecit qui-  
dam Anagramma:  
Sidus Oloris; vel  
quia dicitur natus,  
esse illò Annò, quo  
nova Stella, seu Si-  
dus apparuit, in Cæ-  
lesti



De flamine magno CLEMENS X.

Bellua insatiabilis. INNOCENT: XI.

lesti signo.

Quia natus, exun-  
dante tunc, nimium  
Tyberi.

Quia pro Stemmata,  
habuit Leones, &  
Aquilas, rapacia a-  
nimalia; vel quia,  
insatiabile desideri-  
um habuit, trium-  
phandi de hostibus,  
Nominis Christiani.  
Vel quia (ut quidam  
ingeniosè, sed non soli-  
de censuit) utebatur  
ad maiora consilia,  
Cardinali Cibo; e-  
jusq; consilia sequi  
solitus; hinc quidam  
scripsit; Bellua Pon-  
tificis cur insatiabi-  
lis audit? Nimirum



*assidue, vescitur illa  
Cibó.*  
Pænitétia gloriosa ALEXANDER VIII. *Antea fuit summus  
Pœnitentiarius, &  
Innocentio XI ago-  
nizanti, contulit  
absolutionem Sacra-  
mentalem.*

Rastrum in Porta. INNOCENT: XII

Flores circumdati. CLEMENS XI.

De Bona Religione. INNOCENT: XIII

Sequun-



Sequuntur Prophetica, ejusdem, (ut fertur,) Sancti Malachiae, secutorum Pontificum Symbola.

- |                            |                         |
|----------------------------|-------------------------|
| 1. Miles in bello.         | 12. Lumen in Caelo.     |
| 2. Columna excelsa.        | 13. Ignis ardens.       |
| 3. Animal rurale.          | 4. Religio depulata.    |
| 4. Rosa Umbriae.           | 15. Fides intrepida.    |
| 5. Ursus velox.            | 16. Pastor Angelicus.   |
| 6. Peregrinus Apostolicus. | 17. Pastor & nauta.     |
| 7. Aquila rapax.           | 18. Flos florum.        |
| 8. Canis & Coluber.        | 19. De medietate Lunae. |
| 9. Vir Religiosus.         | 20. De labore Solis.    |
| 10. De balneis Etruriae.   | 21. Gloria Olivae.      |
| 11. Crux de Cruce.         |                         |

In persecutione extrema Sanctae Romanae Ecclesiae, Sedebit Petrus II. Romanus, qui pascet Oves in multis tribulationibus, quibus transactis Civitas Septicollis diruetur, & Judex tremendus judicabit populum suum.

*Hucusque Prophetia (ut dicitur) S. Malachiae, de Romanis Pontificibus.*

QUAE.



## QUÆSTIO II.

Quam Fidem meretur Prophetia,  
quæ circumfertur nomine Joâchi-  
mi, Abbatis, de futuris Romanis  
Pontificibus?

**I**oachimus Abbas Florensis Monasterii, Or-  
dinis S. Benedicti, ex Calabria oriundus: flo-  
ruit circa Annum 1190, Obiit Annô 1202.  
Is in Calabria, in sui quondam Ordinis Mona-  
steriis, nunc Cisterciensium, antea Florensi-  
um, colitur ut Sanctus, aut Beatus, atq; miraculis,  
quæ prolixè leguntur, clarus.

Quamvis verò ab Innocentio III Cap. *Da-  
minamus de Summa Trinitate & Fide Catholica.*  
Salvo honore Personæ, improhentur, quæ scri-  
pserat in libro à se edito de Unitate SS. Tri-

E

nita.



nitatis contra Petrum Lombardum, Sententiarum Magistrum, Episcopum pro tunc Parisiensem (quanquam nonnulli eruditi, inter quos & P. Raynaudus, in *Hoplotheca sua contra iētum calumniæ*. Tomo 12mo Operum, folio 150, censet illum librū ab ejus Adversariis fuisse antè depravatum) tamen concedendum est, quòd Vir ætate sua eruditissimus, & admodum pius, nec non Spiritu Prophetico donatus, in plerisq, fuerit; ut testatur S. Antoninus 1. p. Chronici lib: 14. Cap. 1. §. 12. Sixtus Senensis lib: 4. suæ Bibliothecæ. Gvilielmus Parisiensis in libro de Virtutibus, & alii. Nec id ipsum diffitetur doctissimus Lezana, ad Annum 1201 num. 2. sed approbat.

Sub nomine hujus Joáchimi, ex variis manuscriptis, sæpius per Imagines Symbolicas, subiectaq, lemmata, impressa est Prophetia, de futuris quindecim Romanis Pontificibus, à Nicolao III, qui electus fuit Anno, 1288, usq, ad Urbanum VI, Anno 1328, ordinatum. Prophetia hæc, quamnam Fidem, mereatur? Aliorum sit

*Quæ sub nomine ejus circūfertur Prophetia de Pontificibus, esse comētitia probatur.*



sit iudicium. (inquit Bellarminus in libro de script: Eccles.) & addit ibidem. *Illud mirum est, quòd cum ea Vaticinia, ad soles quindecim Pontifices pertineant, tamen curiositas hominum, ad nostra usq; tempora, extendere illa conatur.*

Insignis Eruditionis, Pater Papebrochius, in suis Adversionibus ad Catalogum Pontificum, dicit: *Puto sub Sancti illius Abbatis nomine, plurima circumferri fictitia, in quibus nihil dubitem, etiam numerare illas quindecim Prasagitiones, à Nicolao III, ad Urbanum VI. Quæ deinde sequuntur, quindecim alia ejusmodi Schemata, usq; ad Innocentium VIII, similis rursus farinae sunt; eiq; sub quo fuerunt adinventæ, non parum blandiuntur.*

Hæc Pater Papebrochius; cujus Censura, à vero non videtur deviare. Tum quia in omnibus, Joáchimi scriptis impressis, quæ habentur, nullum est ejusmodi signum Prophetiæ. Scripsit autem Concordiam Testamenti Veteris, & Novi, item in Isaiam, Jeremiam, & Sancti Joannis Apocalypsim, quam ut illustraret suis



Commentariis, trium Summorum Pontificum, scilicet Lucii III, Urbani III, & Clementis III, Auctoritate, & exhortationibus, fuit compulsus. Tum quia Urbanus V. qui est electus Anno 1362, primus adinvenit & usus esse legitur Tiarâ, quæ triplici Coronâ, est adornata. In illa autem Prophetia, Pontifices omnes in suis Symbolicis Imaginibus, Fictitius Joâchimus, triplici coronamentô ornavit, etiam duodecem illos, qui Urbanum V. præcesserunt. Exemplaria quædam, non improbabiler referunt, fuisse Auctorem illius Pseudoprophetiæ, quendam Anselmum Episcopum Marsicanum, qui adhæserat Clementi Antipapæ, adversus Urbanum VI, electo.

### QUÆSTIO III.

Quid censendum de Prophetia, asserente, nullum ex Successoribus Sancti Petri in Cathedra Romana, æquaturum, multò minùs excessurum



surum, in hoc Pontificio munere, Annos, quibus Princeps Apostolorum, egit Romæ Pontificem ?

**C**erte Prophetiā illam, non debere censi, esse infallibilis Veritatis. Ita Rodericus Zamorensis, (fuit is Referendarius Pauli II) libro 2do. Speculi vitæ humanæ; Thomas Ravennas lib. de vita hominis. Henricus Spondanus, Episcopus Appamiarum. P. Theophilus Raynaudus, Tom. 13. in lib. cui titulus: *Vitæ ac Mortis humanæ terminalia*, & alii plures, graves Scriptores, contra nonnullos, quibus favere videntur, Sanctus Petrus Damiani, Epist. 17. ad Alexandrum II; Sanctus Bernardus Epist. 237. ad Eugenium III. Sanctus etiam Antoninus Archiepiscopus Florentinus, videtur stare pro illa manutenendâ Prophetiâ. Nam in suo Chronico, 3tia parte, lib. 22. Cap. 7. mihi foliô 486 ait. *Benedictus Apostaticus (Petrus de Luna) relictus*

*Prophetia dicta, favent Aures graves.*



lictus ab omnibus, in Insulam Paniscole, cum paucis se contulit, ubi manens in sua pertinacia, transiit Annos Petri; nec mirum, quia non in Sede Petri. Imò noster P. Cornelius à Lapide in suo Commentario in Cap. 19. ver. 9. Ezechielis Prophetæ, Prophetiam dictam omnino veram esse asserit.

### Sed Censuræ nostræ Ratio est.

*Tamē non est  
infallibilis.  
Ut probatur  
multifariè.*

**Q**uia de Veritate dictæ Prophetiæ non constat ex ullo gravi fundamento. Ex quo enim? patetq; id ipsum sufficienter ex Notato 1mo, 2do, & 3tio, infra positis. Licet autem hactenus, nullus Romanorum Pontificum, 25 Annos Pontificiæ Sedis explevit, ut in Romana Sede expleſſe perhibetur S. Petrus; quis tamē certò scit, & unde? neminē deinceps expleturū? quā multa etiā nostris tēporibus, tū alibi, tū in Dominio Moschovitico, Regno Sveciæ &c. evenēre, quæ nunquam antea contigerant, imò forsan nec sperabantur unquam eventura?

Ac=



## Ad Confirmationem Censuræ nostræ Accedit Primò.

**Q**uia dictæ Prophetiæ, adversari videtur usus & sensus Ecclesiæ. Ex usu enim per antiquo, postea etiam, per Concilii Vasionensis, peculiare præceptum, stabilitò, oratur in Canone Missæ pro Pontifice, ut DEUS, eum custodiat, & protegat. Oratur etiam in Litaniiis, ut Dominus conservet eum, & vivificet eum &c. Ejusmodi verò petitio longævitas Pontificis, esset illicita, si constaret de veracitate illius Prophetiæ; præsertim cum Papa accederet ad Annum 24, in illa Sede, transactum.

## Ad eādē Cōfirmationē Accedit 2dò.

**Q**uia Doctissimi Patris Papebrochii, est Sententia probabilis, quam ut probabilem tradit & probat in suo Conatu Chronico Historico, ad Catalogum Pontificum Romanorum, Dissertatione 2da, in Actis Sanctorum, Tom: 4to Maji, illamq; Sententiā approbant etiam ut probabile nonnulli graves Historici, & Theologi. Divum



*Quis Pontificatus  
Romanorum  
accessit proxime  
ad Annos  
S. Petri in  
Pontificatu?*

vum Petrum in Romana Cathedra, tantummodo sedisse, Annos 15. Certum autem est, in toto numero, quem hactenus numeramus, 246. Romanorum Antistitem, inclusive ad præsentem Benedictum XIII; post Sanctum Petrum, novemdecem numerari, qui excesserunt etiam in Pontificatu Romano Annos 15, ex ipsisq, sex superârunt & Annum vigesimum; scilicet Sanctus Sylvester, Leo 1mus. Adrianus 1mus. Alexander 3tius. Urbanus 8vus. Clemens 1mus. Et quidem ex his, Adrianus 1mus, omnium diutissimè præfuit Ecclesiæ, nam Annis viginti tribus, Mensibus decem, diebus septemdecem.

Sed in contra Objiciet forte  
quispiam.

**P**Rædictæ, Prophetiæ falsitas, potius demonstranda erat, ex eo, quia S. Sylvester 1mus, Pontificem Romanum egit Annis 28, ut notavit in suo Chronico, Sanctus Nicephorus Constantinopolitanus; & Sanctus Leo 1mus, Annis 25, ut scribit Rodericus Zamorensis; Petrus verò de Luna, qui se alias Benedictum XIII  
nomi-



nominabat ab assumpto titulo Papali, vixit Annis 30. Nam Avenione electus fuit, à quibusdam Schismaticis Cardinalibus in Papam Anno 1394. Obiit verò, Anno 1424. Nonagenarij.

*Sed Respondeo.* Non rectè Sanctus Nicophorus tribuit Sancto Sylvestro Annos 28, solum enim in Pontificio Throno, sedit à prima Februarii, Anni 314 ad Annum 335, Annis scilicet 21. Mensibus 11. uno minus die. Errat item Zamosrensis, tantummodò enim, Sanctus Leo, sedit Annos 20, Menses 10, dies 28. Vide Baronium. Bellarminum & alios.

*Quot Annis Pontificè Romanū egit S. Sylvester, & S. Leo?*

Benedictus ille non fuit verus legitimus Papa, sed Antipapa; ideoq; & S. Vincentius Ferrerius, qui prius ejus erat Confessarius, & Magister Sacri Palatii, post Pisanum Concilium eum meritò deseruit, dixitq; , quòd ille de Luna, sit Vir pravus & fallax, ac fictus Papa; idemq; etiam fecit & dixit S. Coleta, quæ ei antea etiam adhæserat. Et quamvis illius ingressus, (ut aliqui submurmurant,) fuisset aliquomodo legitimus, tamen in progressu (ut bene advertit

*Petrus de Luna non fuit verus Papa: Obiit Nonagenarij*



Raynaudus, cum aliis) priusquam ad Annum 25, Pontificii muneris pertigisset, verus Papa esse desiit: Concilium enim Constantiense, adactum necessitate tollendi Schismatis, in quo, simul tres, pro Pontificibus se gerebant, Gregorii 12, & Joannis 23<sup>ti</sup> ultroneam renuntiationem admisit & Benedictum XIII deposuit, cum nullius eorum, Jus esset liquidum, ita, ut non superesset tergiversationi locus. Itaq; creavit Martinum V, Annô 1417. Novembris 11<sup>mâ</sup>, à quo tempore Benedicti XIII Pontificatus (qualiscunq; prius fuisset) evanuit. Numeratis autem Annis, Sedis ejus, ab ingressu, ad depositionem, solum erunt Anni, viginti tres.

Ad meliorem dictorum intelligentiam, & Eruditionis gratiâ.

# NOTA Primò.

*Neo-electo  
Pape non di-  
citur: non  
videbis An-  
nos Petri.*

**V**eritati dissonat, quòd noviter electo Romano Pontifici, in die Coronationis suæ, dicatur: *Sanctissime non videbis Annos Petri.* Nullus



us enim liber Ritualis, nec ipsa hodierna praxis docet, id observatum esse, vel observari, ut etiam mihi nuper scriptum est Româ, à Viro gravissimo, meo olim in Theologia, Cracoviæ, nunquam satis laudato Professore, R. P. Valentino Queck. Dixi. *Viro gravissimo.* Ejus enim non solum mentem, in dissolvendis altiorum Scientiarum nodis, expeditam; verum etiam suavitatem Regiminis in plurium Collegiorum, Provinciæq; totius Polonæ Præsides; altum judicium in Assistentie Germaniæ, & Polonia & Roma probavit. Non diffiteor tamē olim quandoq; à populo multum credulo, acclamatum fuisse Neoelecto Papæ. *Beatissime Pater, Annos Petri non videbis.*

Hoc tamen certum, quod die Coronationis Pontificis, accendatur Cannabis, adiectis verbis; *Sic transit gloria Mundi.* Certum item, quod plurimi Pontifices, exiguum vitæ spatium, in eo Honorum culmine nacti sint. Sic ex antiquis, *Catalogus eorum, qui brevi tempore vixerunt in Romano Pontificatu.* (ut adnotavit Sapientissimus Raynaudus, & alii) Anterus, Lucius, Sixtus, Eusebius, Anastasius, Bonifacius, Gelasius, vix Annum integrum,



Sancti Petri Cathedram tenuerunt.

Agapitus primus, & Lucius secundus, Mensibus undecem.

Leo II. Benedictus II, Alexander V, nonnisi per Menses 10.

Clemens II, & Bonifacius I. tantum per Menses 9.

Mensibus octo, vixere in Pontificatu, Marcus, eo nomine unicus, & Joannes XIV, ac Joannes XX.

Tantum per Septimestre, Stephanus X.

Stephanus verò IV, & Leo VI, tantum per semestre.

Solummodò quinque Mensibus rexerunt Ecclesiam; Coelestinus II, Innocentius V, & Coelestinus V.

Nonnisi quatuor Mensibus, Pontificatum tenuere, Joannes XVI, & XVII.

Innocentius IX, Menses duntaxat duos, egit Pontificem.

Unò Mense durarunt, in Sede Petri, Valentinus, eo nomine unicus, & Leo V, Adrianus V, & Gregorius VIII.

Ne



Ne Mensem quidem continuârunt Pontificatum aliqui, nam Leo XI, ad solium Pontificium, vix ascendit, cùm descendit ad sepulchrum, post dies 27.

Pius III, die 26 initi muneris, Obijt.

Damasus II, die 23.

Marcellus II, die 21.

Sisinnius; eò nomine unicus, die 20.

Cælestinus IV, die 17.

Bonifacius VI, die 15.

Urbanus VII, die 7.

Stephanus II, die 4.

Vicedominus, illa ipsa die, qua electus est, vivere in terris desuit.

## NOTA Secundò.

**E**RRONEè dicitur, hoc nomen Papa, esse derivatum à pappo carduorum flore, non diu durante, & sic denotari brevitatē vitæ, Summorum Pontificum, nec unquam eos perventuros, ad Annos Petri, in ea Sede. Erroneè inquam, id asseritur. *Ratio est.* Quia olim, Papæ nomen, conveniebat omnibus Clericis, ideoq; minimi

*Nomen Papæ  
quibusnam  
Personis an-  
tea convenie-  
bat; & nunc  
cui?*



nimi Clerici vocabantur, Pisinni Papæ, id est, Pulsionēs & minimi; postea vox illa, ad Solos, & omnes Episcopos restricta fuit; ut innumera exempla, occurrunt. Certè S. Hieronymus, in omnibus Epistolis, ad Sanctum Augustinum, eum appellat Papam; & Clerus Romanus, ad Sanctum Cyprianum scribens. Demum usu receptum est, & Decretò Gregorii VII, Annò 1073, in Concilio Romano, contra Schismaticos, sancitum est, ut solus Pontifex Romanus, Papa diceretur. Idè ipsi servant Græci, ut nomine Papæ, Romanum Pontificem intelligant; vide Baronium in Notis ejus, ad Romanum Martyrologium, 10mà Januarii; & Raynaudum. Tom 10. cui titulus: CORONA AUREA, ROMANI PONTIFICIS. Porro vox hæc PAPA, juxta aliquos, est nomen complexum, ex duplici Pa, quod monosyllabum in Saliari Carmine usurpatum pro Patre, testatur Festus; quâ ratione idem sonaret, quod Pater Patrum. Remigius Antisiodorensis, cum nonnullis, ab adjectione admirantis, Papæ, ductum volunt, quasi denominaretur, Admirabilis. Alii nomen Papæ, volunt

*Quidnam significat hæc dictio Papa?*



lunt idem significare, quod Ductorem, aut Custodem; prisco Idiomate apud Italos, unde & Sanctus Petrus Damiani Opusc. 23. cap. 4. agens de Custodia Angelorum, nobis à DEO attributâ, nomen Papas, usurpat pro Custode; Romanus autem Pontifex, est Custos totius Orbis, Sanctæ Ecclesiæ, ut eum vocat, idem Sanctus Serm. 30 Est Custos Fidei; ut dicit Sanctus Chrysologus. Serm. 107 & Custos Sponsæ Domini; teste Sancto Bernardo, Epist. 49. & 161. Victorius, Baronius, Raynaudus, & plures alii, rectissimè assunt: Pontificem Romanum, dici Papam, quia est omnium Pater: *Papa enim Græcè, Patrem significat; imò, & parvuli balbutientes, veluti naturali voce, non aliter Patrem appellant, quàm Papam.* *Cur Episcopus Romanus vocatur Papa?*

### NOTA Tertiò.

Si quærat, Cur Pontifices Romani, ante Annum Sedis 25tum, excedunt è vita; imò cur ordinariè,

brevis



brevis illorum Vitæ terminus, in  
illo fastigio?

### Ad hoc Quæsitum

**R**espondent Primò Nonnulli. Id provenire  
ex eo, quod sit absolutum antecedens DEI  
Decretum de morte omnium Successorum,  
Sancti Petri, ante Annum Sedis 25tum: affer-  
riq; solent Decreti hujus aliquot Congruentiæ.

*Congruentiæ  
variæ afferū-  
tur ex Autho-  
ribus pro bre-  
vitate vitæ,  
Romani Pon-  
tificis.*

Prima desumitur ex Sancto Petro Damia-  
ni, ille enim rogatus, ab Alexandro II Papa (qui  
præfuit Ecclesiæ, ab Anno 1061, ad Annum  
1073.) Cur nemo Pontificum, attigerit Annos  
Sancti Petri? imò pleriq; vix quatuor, aut quin-  
quē Annis, Ecclesiæ Præsideant? Respondet  
Epist. 17. ad eundem, sic: Videtur nobis, quia  
idcirco, hoc judicii Cælestis ordo disposuit, ut hu-  
mano Generi, metum mortis incutiat: quatenus  
dum præcipuus hominum tam angusti temporis  
compendiò, moritur, tremefactus quisq; ad præ-  
stolandam sui obitus custodiam, provocetur; &  
arbor humani Generis, dum cacumen, & verti-



*cem suum, tam facile corruisse considerat, flatu concussa formidinis, in suis undiq; ramusculis, contremicat.*

*Secunda Congruentia.* Ut ita doceatur Neoelectus Summus Pontifex, quàm sit caducus Summus ille gradus honoris, moveaturq; ad temporalis Vitæ gloriam despiciendam, ut loquitur ibi Sanctus Damiani: quod idem innuere videtur Divus Bernardus in sua Epist. 237. ad Eugenium III, Papam: olim suum Alumnus.

*Tertia Congruentia.* Afferri solet & hæc, ut Pontifices, qui Christi sunt Vicarii in terris, eumq; imitari tenentur in vivendi modo, imitentur etiam in brevitate Vitæ. Non absimiles ferè congruentias affert locò suprâ citatò, noster Cornelius à Lapide, dum dicit, id fieri sive ex eo, ut sicut S. Petrus dignitate & meritis, ita & annis reliquos omnes sequaces & posteros suos superet. Sive ut Pontifices in tanto fastigio & culmine dignitatis constituti, humilitatis & modestiæ admoneantur, doceanturq; illud par-



vi pendere, & Cælestes æternosq; honores ambi-  
re. Sive ut hoc eis stimulus sit ad acre, & con-  
tinuum heroïcorum operum, & Virtutum stu-  
dium, dum cogitabunt brevem sibi fore Ponti-  
ficatum æquè ac vitam; ideoq; assiduè sibi di-  
cant. Quod facere distinas, fac citò; brevis  
enim erit tibi hæc potestas, brevis facultas ma-  
gnorum facinorum; paucos ergo annos magnis  
Virtutibus imple; paucis Annis, tot tantaq; fa-  
cito, quæ nomen tuum & in terra, & in Cælis  
illustrent, ac æternitati transcribant. Pater ve-  
rò Lorinus in 2. Petri, cap. 1. v. 14. asserit id fie-  
ri, ut minus appetant homines Papatus Culmen,  
quòd ferè certi sunt non diu duraturum.

*Refelluntur  
allata cōgru-  
entia.*

Responsioni datæ non subscribo ob-rationes  
superius allatas. Congruentiæ allatæ, ut doctis-  
simè P. Raynaudus & alii annotârunt, non sunt  
revera tanti, ut DEUS illis induci potuisse di-  
catur, ad formandum illud Decretum antecedens;  
metum enim mortis, certò à nobis subeundæ,  
sufficienter incutiunt, tam densa ferè quotidiana  
funera, quæ ipsimet visu, & proximò auditu  
perci-



percipimus: & cum ordinariè Pontifices, jam sint  
 ætate provecti, eorum mors, non adeò, apprehen-  
 ditur. Caducitatem tam eminentis Honoris,  
 satis superq̃ demonstrant, & ab elatione poten-  
 ter arcant, discrimina, & æumnæ, tanto honori  
 annexa. Item præter alia innumera, à Summo  
 Pontifice requisita, & sub peccato gravi, debi-  
 ta instantia quotidiana & sollicitudo omnium  
 Ecclesiarum, quibus non potest deesse, absq̃ ma-  
 nifesto Salutis æternæ discrimine. Si Divò  
 Augustinò teste, Serm. 39. ex 40. novis. *Epis-*  
*scopus, nomen periculi.* quantò magis nomen pe-  
 riculi est, Romanus Pontifex, qui est Episcop⁹  
 Episcoporum, ut Eum pleriq̃ Veteres Patres no-  
 minârunt.

*Tertia Congruentia* Multum probat, de-  
 berent enim eligi, ante Annum 30mū, moriq̃ crue-  
 ci affixi ante Annum 34tum completum. Suffi-  
 ciet ergo Vicariis Christi, ut juxta ejus præce-  
 ptum, pascant & regant Oves sibi concreditas,  
 pro earumq̃ bono, parati sint, etiam Animas  
 suas ponere.

G2

Acce-



*Accedit.* Quia 3<sup>ta</sup> allata Congruentia, videtur probare, quemlibet Episcopum Antiochenum obligari ad non tenendam illam Sedem Episcopalem, ultra Annos 6, vel ad summum 9. Siquidem S. Petrus fuit Antiochiæ Episcopus Annis septem, vel ad summum Annis decem.

*Respondent 2<sup>do</sup> Alii.* Id ex eo fieri, quia jam admodum annosi eliguntur in Pontifices.

*Sed contra est.* Quia in Pontificatum Romanum assumpti, aut verius, violentiâ præsertim Tusculanorum Comitum intrusi sunt quidam admodum Juvenes; ut Benedictus XI, puer fere Annorum 10. vel 12, Joannes XII, Annorum 16, Joannes XI, Annorum 20. Nonnulli item in ætate florida & vivida erant, dum eligerentur; ut Innocentius III. Annorum 37, Gregorius XI, Annorum 35. Bonifacius IX, Annorum 30. Totidem Annorum & Leo X. Et tamen nullus eorum attigit Annum 25<sup>um</sup> in Sede Romana.

*Respondetur igitur 3<sup>tio</sup> Solidius* cum Zamorensi, Ravennate, Raynaudo, & aliis nonnullis Viris Eruditissimis, Romanorum Pontificum



cum, ut plurimum, vitam minus diuturnam pro-  
 venisse, ex naturalibus causis his. Quia plerique  
 assumpti sunt ad Pontificatum, jam senio confe-  
 cti; alii, corporis constitutione, fuere imbecilla;  
 multi à Tyrannidis, odio Fidei Christianæ, cæ-  
 si, (numerantur enim triginta tres Papæ, Marty-  
 res, ad Sylvestrum I; tot scilicet, quot nimirum  
 Annis in terris Christus vixit) Alios sollicitu-  
 do nimis intensa, promovendi bonum Ecclesiæ  
 Universalis, confecit. Item curæ & mærores, ex  
 plurimis mærendi argumentis, ex tot adversis,  
 quæ multoties, Orthodoxæ Religioni accide-  
 runt. Nihil enim est, (teste Cassiodoro) quod  
 magis hominis dies, abbreviet, quàm tristitia men-  
 tis, langvor animi, & nimia sollicitudo multo-  
 rum. Sic Benedictus I, & Urbanus III, præ  
 cordolio malorum Ecclesiæ, extincti: Nicolaus  
 V, præ mærore, ex capta, Annò 1452. à Tur-  
 cis, Constantinopoli, morbum contraxit, & vi-  
 vere desiit. Alios ambitus, parricidalis nefari-  
 orum, peremit. Sic Victor III, præbitò sibi  
 inter Sacrificandum, in Calice, venenò, (ut scri-  
 bit S. Antoninus) obiit. Alexander VI, Vinò,

*Rationes af-  
 feruntur sat  
 valide pro  
 brevitate vi-  
 tæ Summorum  
 Pontificum.*



ex Lagena, toxicò imbuta, haustò, periit, errore Ministri, qui Auctore Cæsare, Alexandri Filiò, alteri, quam Pontifici, lethale poculum, præbere, destinârat. Aliquos Summos Pontifices, notat Rodericus Zamorensis (quòd essent eâ Sede indigni) brevitæ vitæ esse mulctatos; ex bonis verò nonnullos, ut miseriis subducerentur, quantocius excessisse.

Cum ergo Rationes naturales adductæ, & aliæ non absimiles, videantur sufficientes, cur non diuturna sit vita Summorum Pontificum; ideo non videtur recurrendum ad Decretum Divinum extraordinarium Antecedens; quò vitæ terminum, ad 25q; Annos, ab inita Sede, Romani Antistites, attingere prohibeantur. Universaliter enim, ad Decreta Divina extraordinaria, & universalia, (quale certè istud esset) non est recurrendum, sine urgentissima necessitate.

## NOTA Quartò.

*Certissimum  
est, fuisse S.  
Petrũ Romæ:  
& quidẽ Epif.  
Romanum.*

**I**ndubitatum est apud Orthodoxos; quòd S. Petrus fuerit Romæ, & quidem Episcopus Romanus; id enim testantur (ut videre est apud



apud Eminentissimos Baronium, in Annal. Tom:  
 1. Bellarminum, Tom. 1. lib: 2. de Rom. Pont:) omnes veteres, tam Latini, & Græci Patres, quam Scriptores gravissimi; Item Concilia Generalia, inter quæ Sardicense, Annô 347. celebratum, trecentorum Episcoporum; Ephesinum Annô Christi, 431. Ducentorum Episcoporum. Chalcedonense Annô 451, cui interfuerunt Episcopi, sexcenti triginta. Et certè non alia est Babylon illa, è qua S. Petrus scribit 1. Petr i cap. 5. v. 13. *Salutat vos Ecclesia, quæ est Babylone coelecta* Nisi Roma, nec non S. Paulus in Epist: sua ad Philippenses cap. 4. v. 22. testatur in domo Cæsaris fuisse Ecclesiam amplam, dum dicit: *Salutant vos omnes Sancti, maxime autem qui de Cæsaris domo sunt*) Certè non nisi ex institutione Sancti Petri.

Insuper prædicta Veritas Orbi Christiano adeò conspicua fuit, ut S. Optatus natione Afer, Milevi, unde & Milevitanus in Numidia Africæ Regione Præsul, quem Sanctus Augustinus laudat, ut insignem Ecclesiæ Præsulem, & Or-

tho



thodoxæ Fidei Defensorem egregium, adeò in-  
 quam conspicua hæc fuit Veritas, ut prædictus  
 Sanctus Optatus Parmenianum Donatistam com-  
 pellaverit, lib; 2. his verbis; *Negare non po-  
 tes, scire in Urbe Roma, à Petro, primò Cathedram  
 Episcopalem collocatam esse, in qua sederat omnium  
 Apostolorum Caput.* Et Eusebius Episcopus  
 Cæsariensis, qui tempore Constantini Magni flo-  
 ruit, lib. 2. Hist. cap. 25. ait: *Horum testimo-  
 nium quærere, (scilicet Petrum & Paulum, es-  
 se Romæ mortuum) extrinsecus, superfluum pu-  
 to, cum rem gestam, insignia, usq; in hodiernum,  
 & splendidissima eorum monumenta, testentur.*  
 Nullusq; tanto consensui Orbis Christiani to-  
 tius, unquam contradixit, ferè, usq; ad Annum  
 Christi 1400, modò primùm circa Annum 1380.  
 quidam Gulielmus, non multum à virulentissimo,  
 Hæresiarcha, Joanne Viclepho, suo Discipulo,  
 Præceptor dissimilis, ausus est primus, impuden-  
 ter, æquè ac impiè, palam effutire, (ut Thomas  
 Netreus, Ordinis Carmelitarum, Prior Provin-  
 clalis, à Patria, cognomentò, Valdensis, Vicle-



phistarum debellator refert lib. 2. Doctr. Fidei. Art. 1. cap. 7. ) Divum Petrum, neq̃ Episcopum fuisse Romæ, nec unquam Romam vidisse. Gulielmum, intrepidè & sinè rubore, secuta est, imò in mentiendo supergressa, quædam Lutheri soboles, nempe Udalricus Velenus, & Illyricus, hi enim libris, hac de re editis, asserunt insuper, esse omnino certum ac evidens, Petrum Romæ, nunquam fuisse, multominus Episcopum Romanum; afferuntq̃ ad id comprobandum rationes varias, quas appellant certas Demonstrationes. Inter illas; ferè præcipuæ sunt hæ.

*Primò.* Scriptores non conveniunt inter se, quonam tempore Petrus, Romam venit. Ergo omnino certum & evidens est Petrum nunquam fuisse Romæ. *Obiectiones  
Hereticorum  
in contra.*

*Secundò.* Paulus scribens ad Romanos, non ineminit Petri. Ergo evidens est. &c.

*Tertiò.* Quòd si Petrus, non solum Antiochiæ, sed etiam postea fuit Romæ Episcopus, tunc sicut ab Antiquo celebrata est, die Festo, Cathedra Antiochena Petri; potiori jure, ab Antiquo



tiquò celebrata fuisset Cathedra Romana Petri; cum tamen certum sit, modò primum nuper (inquit Illyricus Lutheranus) à Paulo III, Cathedræ Romanæ Solemnè diè institutum esse. Ergo evidens &c.

Siccine nomine Démonstrationum certarum, & evidentium, conveniebat intitulari has rationes, quas etiam, vel multùm probabiles nominasse, nefas est? ut patet ex Retorsionibus quæ sequuntur.

*Quæ clarè dissolvuntur.* *Ad Primum.* Nunquid enim non certissimum est, Christum Dominum esse pro nobis in Cruce mortuum; licèt discordent Scriptores de tempore, quonam mortuus? Tertullianus enim, Clemens, Lactantius, Hieronymus, Augustinus, referunt Christum mortuum esse Anno nò ætatis suæ 30mo. S. Ignatius Martyr, & Eusebius Beda & alii scribunt, ætatis suæ ferè 33tio Cruci affixum. S. Epiphanius Hæresi 51 tribuit Christo Domino Annos 32. & 74 dies: Sanctus Irenæus lib. 2. contra Hæreses cap. 39 & 40. Apostolorum propemodum æqualis, inter qua-



dragesimum & quinquagesimum Annum æta-  
tis suæ, Salvatorem fuisse asserit, idēq; se ex E-  
vangelio, & à S. Joannis Evangelistæ Discipu-  
lis, quod à Magistro acceperat, didicisse osten-  
dit. Negandum item esset, Pretiosissimam DEI *Quò itē An-*  
Parentem, fuisse in rerum natura, quia discon- *nō Deipara?*  
veniunt scriptores, quo Annò obierit? Nice-  
phorus enim ex Evodio, Eam obiisse tradit, An-  
nò ætatis suæ 59, alii, 57, vel 58. Aliquibus  
videtur verosimilius, uno dumtaxat Annò super-  
fuisse Ascensioni filii sui in Cælū: ut refert P. Pa-  
pebrochius in Respons: ad Art. 15, mihi fol. 163.  
adeoq; ex hac vita migrasse Annò ætatis ferè 50.  
Alii Eam, non fuisse mortuam, temerè tradide-  
runt. Eusebius, cum quibusdam scribit, Eam  
esse mortuam, Annò 62. alii 63. Communior  
sententia asserit, Annò 72. Vide Annalium Ec-  
clesiasticorum Parentem Sapientissimum Baro-  
nium, ad Ann: 48, à num: 5to. De Mundi  
Annis, qui hactenus fluxerunt, tot propè sunt  
diversæ sententiæ, quot Chronologi; ideone  
demonstratur, Mundum non habuisse sui exor-  
dium; vel non hucusq; durare? Quantæ disso-



nantiæ Historicorum in tempore designando, quô & quantô, regnavit Alexander Macedo in Persia, Romulus in Italia, Lechus in Polonia. &c.

*Ad Secundum.* Nunquid incertum est, Sanctum Joannem fuisse Ephesi Episcopum & S. Jacobum (qui & Frater Domini, & minor est Apostolus) Jerosolymis? & tamen Divus Paulus eorum non meminit, in Epistolis suis datis ad Ephesios, & ad Hebræos. Dein, Sanctus Apostolus, Epistolam tunc ad Romanos scripsit, quô tempore S. Petrus exierat Româ, & versabatur in Syria, relinquens pro se, Romæ, Linum & Cletum; qui illo absente Episcopalia munera obirent.

*Ad Tertium.* Errat graviter Illyricus, Paulus enim 3tius, nil prorsus statuit de Solennitate Cathedræ Romanæ. Paulus verò 4tus non instituit Sacram Solennitatem Cathedræ Romanæ Petri, sed quæ jam ab antiquo instituta fuerat, & celebrata, tum Romæ, quàm in Gallia, Hispania, &c. ut Constat ex Antiquis Martyrologiis Romanis, & ex S. Beda, Usuardo,



do, Adone, Galefinio; jam verò in aliquibus Ecclesiis, exsoleverat, eam restituit, datis, eâ de re, literis Apostolicis, Anno 1557, 6ta Januarii. Est illarum exordium: *Ineffabilis Divinae Providentiae altitudo.* &c. Asservatur hactenus (ut testatur Card: Baronius, in Notis suis ad Martyrologium, 18 Januarii, in Basilica Vaticana, ipsa hæc Cathedra lignea, in qua olim Romæ Petrus sedisse, perhibetur. Nec quis hoc miretur. Si enim Sedes, ipsa lignea Cathedra, Jacobi Apostoli, Ierosolymitani Episcopi, post tot, tantæq; Judaici populi, naufragia, post illud pavendum, Ierosolymorum excidium, servata nihilominus est integra, usq; ad tempora Constantini Magni, Imperatoris. (ut scribit Eusebius, Hist: lib. 7. cap. 14) quam & Successores Episcopi, decenti honore custoditam, sunt venerati; quid tam mirum, Apostolorum Verticis Cathedram, parifaltem fuisse diligentiam, conservatam?

Porro, licet apud Orthodoxos, indubitatum sit, ab Apostolorum Principe, tam Antiochenam, Episcopalem Sedem, quam Romanam esse

*Quarto tēpore S. Petrus fuit Episcopus Antiochia & Romæ?*



se fundatam; nihilominus non omnino est certum, quotnam ille Annis utramq; tenuerit? In Catalogo Romanorum Pontificum tempore Justiniani Imperatoris, circa Annum 530 conscripto, leguntur hæc de S. Petro. *Primum sedit Cathedram Episcopatus in Antiochia Annis decem, Hic Petrus ingressus est in Urbem Romæ, Nerone Casare, ubi Sedit Cathedram Episcopatus Annis 25, Mensibus duobus, diebus tribus.* In alio verò Catalogo, tempore Liberii Papæ circa Annum 350mū absoluto, habetur S. Petrum egisse Pontificem Romanum Annis 25, Mense uno, diebus 9. Similia ferè habet Anastasius Bibliothecarius & Abbas Romanus, qui floruit Annō Christi 858; nisi quod Anastasius pro 10 Annis Antiochenæ Sedis, habeat constanter in omnibus Exemplaribus, Annos 7. Non multum absimilia habent Eusebius, S. Hieronymus, & plurimi alii. Cardinalis verò Baronius cum nonnullis dicit, Sanctum Petrum, Annis 7, Antiochenam Cathedram tenuisse; Romanam autem, Annis 24, Mensibus 5. diebus



II. Quid Pater Papebrochius hac in parte cum quibusdam sentiat, dixi suprà pag. 39. & 40.

## QUÆSTIO IV.

Prædictio illa. P. nō erit PAPA. id est, Nullus cui Petri nomē obtingit in Baptismo, futurus Sancti Petri Successor, in Apostolica Sede. Est ne veritati consona?

## RESPONDEO.

**C**ertum est, quòd legitimi veriq; Pontifices Romani, fuerint, Joannes XIV. Sergius IV. Innocentius V. Joannes XX. vel secundum aliorum Catalogum, XXI. Sanctus Cælestinus V. Clemens VI. Gregorius XI. Bonifacius XI. & tamen quilibet eorum, ante Pontificatum, Petrus nuncupatur. *Prædictio hæc fallit in pluribus.* Primus, Scilicet Joannes XIV, antè vocabatur Petrus, Episcopus Papiensis, defuncti Othonis II, Imperatoris, olim Archi-Cancellarius. Secundus, Pe-



Petrus, Episcopus Albanensis. *Tertius*, Petrus de Tharentasia, Ordinis Sancti Domini. *Quartus*, Petrus Iuliani. *Quintus*, Petrus de Morone. *Sextus*, Petrus, Archiepiscopus Rothomagensis. *Septimus*, Petrus Belfortis. *Octavus*, Petrus Tonacellus. Post Bonifacium XI, qui obiit Annò 1404 nullum unquam Petrum, amplius futurum, Summum Pontificem, non video, quò nam solidò fundamentò asseratur. Certum tamen, & admiratione, considerationeque dignum. ( ut notârunt Raynaudus, Papebrochius, & alii ) quòd cum Petri nomen, jam inde à Constantini Magni ætate, fuerit Romæ frequentatum, ( ut constat ex Romanarum Synodorum subscriptionibus ) ad hæc tamen tempora, ex 246 Summis Pontificibus, octo nonnisi post S. Petrum fuere, quibus nomen Petri, in Baptismo obtigit.

### NOTA Primò.

*Cur nullo Romanog Pontifex factus, nomen Petri assumpsit?*

**N**emo, postquam mutandorum Pontificibus nomen, consuetudo invaluit, in Summum Antistitem electus, nomen Petri, sibi



hi arrogavit, cum tamen multi sint, qui se Paulos dixerint: id autem provenit ob reverentiam erga Apostolorum Principem, & primum Ecclesiæ, Visibile Caput; ut colligunt nonnulli, ex Sergii IV. sepulchrali inscriptione, quæ est in Basilica Lateranensi. In Prophetia, quæ nomine, S. Malachiæ Hiberni, circumfertur, legitur ultimum ex Romanis Pontificibus, appellandum Petrum Secundum. Sed hanc Prophetiam, esse commentitiam, & falsò attribui S. Malachiæ, deduxi supra.

## NOTA Secundò.

**P**rimus qui nomen mutavit in Pontificatu, fuit (juxta Baronium, Onuphrium, & communissimè, alios Scriptores) Joannes XII.

Annò 955. electus in Papam, antè dictus, Octavianus. Mutavit porrò, teste Eminentissimò Baroniò, ex eo, vel ut in nomine saltem, posset bene audiri, in adulatoriis acclamationibus, quibus malè usurpatum, proferri soleret, Sacrum illud elogium, Joan: imò. *Fuit homo missus à DEO, cui nomen erat Ioannes;* Vel quòd eo

*Quis primus mutavit nomen in Pontificatu? Et quò ob causam?*



nomine Patruus ejus, Ioannes XI, sit appellatus. Doctissimus autem Onuphrius, in Annotationibus suis in Platinam, cum nonnullis dicit: ideo à Ioanne XII, mutatum nomen, quod Octaviani nomen prorsus gentile, non satis convenire videretur, Vicario Christi, & Religioni Pontificiæ, Exemplum Octaviani sequentes Pontifices (ait Onuphrius) qui deforme & parum conveniens tanto Magistratui, nomen habuere, sensim & paulatim secuti, levem consuetudinem, tanquam in legem perpetuam transulerunt, cæterum hanc rem, Romani Pontifices, & maximè ex Germania lecti, Gerebertus, Svidegerus, Poppo, Geberardus, Gerardus, Cadolus, Hildebrandus, & similes, maximè confirmârunt barbarorum nominum deformitate commoti, Platina, minùs probabiliter opinatur, Sergium II, qui electus in Papam, Annò 844. primum fuisse, qui nomen mutavit, ob turpitudinem præhabiti nominis, eò, quod *Os Porci*, antea nominaretur, indeq; consuetudinem manasse, mutandi nominis, ante Pontificatum.



## NOTA Tertiò.

**S**ANCTUS Antoninus in suo Chronico, in 2. par. tit. 16, cap. 1. mihi fol. 567. ait: Suscepit post Gregorium IV, regendam Ecclesiam Sergius II. natione Romanus, ex Patre Sergio, Annò Domini 844. Hic, ut dicit Martinus, in Chronica sua, dicebatur, Os Porci, quod quia turpe nomen erat, vocatus est, Sergius; exinde in posterum Statutum est, & servatum usq; in hodiernum diem, ut cum creatur Summus Pontifex, dimittat nomen suum, quò vocabatur ante creationem, & vocetur nomine novo, quod ipsimet placet assumere, ex eorum nominibus, qui jam in Sede Petri fuerunt descripti, & denominati. Et ultra istam rationem, ne scilicet contingat Papam, aliquo nomine turpi vocari; addit Archidiaconus, duas alias rationes, videlicet, quia & Christus mutavit nomen primi Summi Pontificis Petri, cum prius vocaretur Simen. Tum etiam ad innuendum, ut totus novus homo debeat existere, & sicut mutatur nomine, primum relinquens, sic mutetur moribus,

*Ex S. Antonino  
no afferuntur  
rationes varia  
mutandè  
nominis.*



relictis omnibus passionibus, & veterem hominem deponens, novum induat, qui secundum DEUM creatus est, in Iustitia, & Sanctitate veritatis. Quod hic Divus Antonius, ex Martino, & superius etiam Platina refert, apud nullum Veterum Auctorum reperitur. Imò ex Anastasio Bibliothecario, qui illo tempore floruit, habetur etiam ante Pontificatum, fuisse Sergium appellatum. Sed Joannes XII. primus invenitur, qui priscum nomen, Papa creatus, mutavit, cum ante Pontificatum, Octavianus diceretur. Adverte. Adrianus VI, Annò 1522 assumptus ad Pontificatum, nec non Marcus III, Annò 1555 electus in Pontificem, non mutarunt nomina, sed propria retinuerunt.

## QUÆSTIO V. VATICINIUM

*Istud*

Papa si aliquem in Sanctorum numerum referat, brevi post è vita excedet.

*Quam*



*Quamnam censuram meretur ?*

**P**otentissimus Poloniae & Sveciae Rex Sigismundus III, pro sua singulari in Divinissimos Regni Patronos pietate, magno Conatu, interposita suae Majestatis Autoritate, instantissimisq; postulatis agebat Annò 1594 (ut refert P. Ioannes Kwiatkiewicz S.J. in suis Annalibus Ecclesiasticis, ad hunc Annum) per Legatum suum Illustrissimum Stanislaum Minski, Palatinum Lanciensem, apud Summum Pontificem Clementem VIII, ut ritu Solenni, Sacra Apotheosi donaret, Beatum Hyacinthum, antea Canonicum Cracoviensem, postea Romae in Sacrum Prædicatorum Ordinem ab ipso Institutore S. Dominico adlectum, Sanctitate & miraculorum gloriâ percelebrem. Erant nonnulli, etiam primariæ Autoritatis, qui Clementem VIII ab ea mente dimovere conabantur, hac potissimum ratione, quòd sit recepta Vaticanii traditio, brevè è vivis abituros illos Pontifices, qui Albo Sanctorum aliquem inscribunt. Ast meritò & laudabiliter rejecit terriculamenta hæc inania Pontifex Prudentissimus, & illo ipso Annò

*Vaticiniū hoc  
à vero deviat;  
ut demonstra-  
tur.*



Annō 1594, cum omni Solemnitate & apparatu  
S. Hyacinthum, in Sanctorum numerum Fastosq;  
retulit: nec abruptit illi vitam præclara in Cæli-  
tes pietas, quin imò ad decem Annos protraxit.

Alexander item III, Annō 1165, S. Bernardū,  
Albo Sanctorum inscripsit, & post Superstes  
fuit Annis quindecem: nec non pluribus An-  
nīs ante suum obitum annumeravit Sanctis Di-  
vum Thomam Catuariensem, & alios quatuor.  
Gregorius etiam IX, S. Dominicum Canoni-  
zavit, & supervixit Annis 13, nec non sat longo  
tempore ante suam mortem, B. Franciscum, &  
alios quatuor declaravit Sanctos.

*Accedit.* Quia primis sexcentis Annis, fie-  
bant Canonizationes Sanctorum, vel à solis Epi-  
scopis, vel in Synodis Provincialibus; & tamen  
certum est, Prælatos omnes, qui Synodis illis  
Provincialibus interfuerant, & Episcopos, brevè  
post non obiisse. Cur ergo Summis Pontifici-  
bus, referentibus, aliquem in numerum Sancto-  
rum, ex eo obvenire debeat, vitæ abbreviatio?

Meritò proinde Vaticinium illud, à Petro Ga-  
lesinio, Raynaudo, & aliis, dicitur esse nuga-  
mentum



mentum; fortasse excogitatum ideo; ut esset ad  
manum prætextus cōducendis illis, qui nimis ar-  
denter expeterent alicui decerni Cælitū honores.

### Eruditionis Gratiā, Nota Primò.

**C**anonizationis solennis à Summo Pontifi- *Quisprimā*  
ce, exemplum primum, de quo prudenter, *Rō: Pontifi-*  
dubitari nequit, est S. Udalrici, Augustani *ce in Album*  
Episcopi, qui obiit Annō 863, die 11 Iunii & *Sanctorum*  
in Sanctorum numerum relatus, Annō 993, à  
Ioanne XV. Cardinalis autem Bellarminus,  
septima Controversiā, libro 1. cap. 8. dicit:  
Primus Pontifex, (ni fortè fallor) qui Sane-  
ctos legatur canonizasse, videtur fuisse Leo III,  
Papa (obiit is Annō 684) qui Sanctum Svi-  
bertum, Catalogo Sanctorum Confessorum, solen-  
niter adscripsit; hanc primum legi Solennem Ca-  
nonizationem, ante quam fortasse fuerunt eti-  
am alie, sed non mihi constat. Postea au-  
tem Innocentius II, Canonizavit Sanctum Gra-  
tianum, Episcopum Gratianopolis. Inde verò A-  
lexander III, S. Bernardum, à quo tempore omnes  
alii, qui Sancti sunt habiti, ut Thomas Cantu-  
ariensis



ariensis, Dominicus, Franciscus, & alii, à Pontificibus Summis, in numerum Sanctorum relati sunt.

## NOTA Secundò.

**E**X consuetudine maximè rationabili, tam universaliter, inductâ, ut esse pro lege censetur, introductum est; & Decreto Alexandri III, qui electus in Papam, Annò 1159. & obiit 1181, Sancitum, ut pro Canonizatione, semper recurratur, ad Sedem Apostolicam. Cōsuetudinem illam, patenter agnoscunt, Archiepiscopus Viennensis, & ejus Suffraganei, Annò 1231 postulantes à Gregorio IX, Canonizationem Stephani, Diensis Episcopi, Annò 1208 defuncti; in eorum enim literis, ad Pontificem datis, leguntur etiam hæc: *Quia nemo quantacumq; meritorum prærogativâ polleat, ab Ecclesia DEI, pro Sancto habendus est, nisi prius per Sedem Apostolicam ejus Sanctitas fuerit approbata.* In tertio etiam Decretalium, per Bonifacium VIII collectò, titul. 45, de Reliquiis, & venerat: Sanct. cap; *Audivimus.* legitur quòd quibusdam Diabolicâ fraude, inductis ad

vence



venerationem hominis in potatione, & ebrietate, occisi more infidelium frequentandam, ut Sancti, præcipit Alexander III, ut illum non præsumant de cætero colere. & rationem addit. Cum etiam si per eum miracula fierent, non liceret ipsum pro Sancto, absq̃ Authoritate Romanæ Ecclesiæ venerari. Et meritò, pro ejusmodi declarationibus recurritur, ad Romanum Pontificem; is enim cum loquitur ex Cathedra, (id est, si Decreta veritatem Fidei, vel morum concernentia, ita proponat ut ad illa recipienda, graviter obligare velit totam Ecclesiam) tam ut in Decretis Fidei, toti Ecclesiæ propositis, quàm in Decretis Morum obligantibus totam Ecclesiam, non potest errare, ut ostendi in tota Quæstione Proœmiali, Admirandorum Jansenismi; unde nequit errare Papa, in Sanctorum Canonizatione, siquidem Decretum Canonizationis, spectat ad Decreta Fidei & Morum, obligantia totam Ecclesiam; errorq̃ talis repugnat Doctrinæ & Sanctitati Ecclesiæ. Hinc S. Bonaventura in Opusculo, contra Cvilielmum de S. Amore Hæresi-

K

archam,



archam, ait: *Ad infidelitatem spectat, de S. Canonizati Gloriâ, dubitare.* Idem docent Theologi plurimi, cum Valentia, Ricciolo, Tannero, &c. Quamvis Gerson, Bannes, Suarez, Vasquez, Raynaudus, dicunt esse quidem satis certum, non posse Papam errare in Canonizatione, licet non sit hoc de Fide.

*Accedit.* Tum quia Canonizatio Sanctorum est una de causis majoribus, quæ inter Christianos proponi queat, & ideo ad Sedem Apostolicam pertinet. Tum ne per aliquorum Episcoporum simplicitatem, vel negligenciam, quis pro Sancto habeatur, qui revera non est. Item ne Sanctorum numerus, in infinitum multiplicetur, unde Sanctitas vilesceret.

## NOTA Tertiò

**I**Nter alias Cerimonias, in Canonizationibus observari solitas, erant hæc; In Aula Concilii, tali ex causa celebrati, vel in area ante Ecclesiam patenti, vel intra ipsam Ecclesiam, pronuntiabatur Sententia, ab ipso Pontifice, altâ voce, hac vel simili formulâ: *Ad laudem*



laudem, & Gloriam, Omnipotentis DEI,  
 Patris, & Filii, & Spiritus Sancti, & Glorio-  
 sae Virginis MARIAE, & Beatorum Aposto-  
 lorum Petri & Pauli, & ad honorem Ecclesiae  
 Romanae, Beatissimum N.N. quem Dominus glo-  
 rificavit in Caelis venerantes in terris, de Con-  
 silio Fratrum nostrorum, & aliorum Praelatorum,  
 in Catalogo decrevimus Sanctorum adnotandum,  
 & Festum, in die obitus sui celebrare. Hanc  
 formulam in Canonizatione S. Francisci, Sca-  
 phici Ordinis Patriarchae, Anno 1228, usus est  
 Gregorius IX. ut testatur Krantius. lib. 8. Sa-  
 xoniae, cap. 4. & statim Cardinales (inquit ille)  
*Te DEUM laudamus inchoaverunt.* Nunc San-  
 ctorum Canonizatio fieri solet, inter Sacrorum  
 Solemnia. Diciturque Alexander III, primus o-  
 mnium, inter Missae Solemnia peregrisse Cano-  
 nizationem Sancti Thomae Cantuariensis.

K<sub>2</sub>

QUÆ.



## QUÆSTIO VI.

Lutheri Prophetiæ, de Romanis Pontificibus recensentur & censurantur.

**J**OANNES AURIFABER, qui à viventis Lutheri latere, vix unquam discessit, in Præfatione Voluminis Colloquiorum Mensalium, decem Nobilissimis Civitatibus Imperii, hæresi infectis, dedicati, appellat (Neo-Evangelicis omnibus constanter approbantibus) Lutherum, *Summum Orbis Illuminatorem, verum & Admirandum Prophetam.* imò ipse Lutherus de se dicit, in Colloq: *Ego sum Elias & Philippus, (Melanchton) est Ieremias.*

Hujus Admirandi Prophetæ & Neo-Elie audiamus oracula.

*Lutheri Prophetia à vero longè deviat.*

*Primò. In Epist: Annò 1525, cum illa inscriptione, editâ, Fidelis Admonitio ad omnes Christianos. audacter prædixit: si per biennium, Doctrina & prædicatio mea duraverit, evanescet Papa, Cardinales, Episcopi, Monachi, Moniales, Missæ*



*Misse.* Eandem prædictionem refert, Cochläus, in Actis Lutheri.

*Secundò.* Patidicus cecinit & velut Epitaphium sibi vivo (ut ait Pomeranus Lutheri Discipulus primarius, in Oratione funebri, in ejus Exequiis) composuit. *Pestis eram vivens, moriens ero, mors tua, Papa.*

*Tertio.* In Exordio Libri, contra Regem Angliæ scripsit. *Dogmata mea stabunt, & Papa cadet invitis omnibus Portis inferi. Ibidem. Meis libellis brevi efficiam, ut nomen Papistæ, sit nomen abominationis, in Orbe terrarum; ut maledictum, & Anathema sit, esse Papistam.*

*Quartò.* In Præfat: lib: de Moribus Turcarum ait: Nullus Papista, Monachus, Clericus, aut eorum Fidei Socius, si inter Turcas triduò agerent, in sua Fide permaneret; loquor de iis, qui seriò Fidem Papæ colunt, & optimi inter eos sunt.

*Quintò.* Tom 2. Lat. Vitemb. in Assert: Art: 34. *Qui habet Aures audiendi, audiat, & à bello Turcico abstineat, donec Papæ nomen, sub*



sub Calo valet. Fortè sicut Michæas, qui & ipse odiosus erat, quia non Prophetabat, nisi malum; dicam ego meo Achab; Ite, praeliamini contra Turcas, ut resistatis Virgæ DEI, & cadatis, ut ille cecidit. Ut & ego Prophetem semel, licet non audiar, quod scio. Nisi Romanus Pontifex redigatur in ordinē, actum est de omni re Christiana.

Verè hic admirandus Propheta, Neo-Elias est è numero illorum de quibus Ezechielis, cap. 13 legitur. *Vae Prophetis insipientibus, qui sequuntur Spiritum suum, & nihil vident. . . Propheta tui vident vana, & divinant mendacium.* Post illud enim, ejus primum Oraculum, prædicavit Lutherus, non duos sed ferè viginti duos Annos, obiit enim Anno 1546, & tamen minimè evanuit Papa, Cardinales, Missæ, &c. Pseudo Propheta mortuus, Papa & Papatus vivit & vivet, stat stabitq̃, invitis omnibus inferi Portis, quæ juxta omnipotentis Prophetæ Vaticinium, non prævalebunt.

Minimè effecisti Luthere, ut nomen abominationis in Orbe terrarum sit, esse Papistam. Esse enim Papistam, est tenere eam fidem, quam Ortho



Orthodoxa Romana Ecclesia, & Papa seu Romanus Pontifex, qui est Pater in Spiritu omnium Catholicorum in terris, & Successor S. Petri; Vicarius Christi in terris; Pater Christianæ plebis; Custos totius Orbis S. Ecclesiæ: ut eum Sancti Patres appellant. Vide ad calcem Libri hujus. Rectè Eminentissimus Cardinalis Stanislaus Hosius, Varmiensis Episcopus, Præses Concilii Tridentini, dicere consueverat *Qui non est Papista, est Satanista.* *Quid est, esse Papistam?*

In tuo item 4to Oraculo, evidenter falsitatis convinceris Luthere; plurimi enim semper etiam nunc Papistæ, Monachi, Clerici, Laici, inter Turcas multo tempore versantur sine Fidei Catholicæ jactura.

De mû bene consistit res Christiana, Romano Pontifice, agente Pastorem Ecclesiæ visibilem.

*Nota.* In lib. cui Tit. *Admiranda Lutheri.* in Tract. imò. totò cap. 8vo, proposui multiplices Prophetias veras, quæ rectè intelligi possunt, de Luthero. Ex earum numero, placet etiam hic, unam recensere.

Cardinalis Robertus Bellarminus, è Societate



*Prophetia* "tate JESU, (ex quibus vocibus, confurgunt  
*de Luthero, Anagrammaticè hæc)* *Luteri, errores, ac A-*  
*sumpta ex* *stutias Caluini, omnes delebis.* Lib. 3tio de Ro-  
*Apocalypsi,* *omnino veri-* nano Pontifice cap. 23. & in Præfatione Tomi  
*tati confor-* 4ti, eleganter probat, Lutherum ejusq; Doctrinam  
*mis est.* descriptam fuisse, à S. Joanne Apocalip. cap.  
 gno, quando vidit Stellam cecidisse de Cælo,  
 & datam ei Clavim putei Abyssi, & aperuisse  
 puteum Abyssi. Quid enim aliud est, (inquit  
 Bellarminus) Stellam de Cælo cadere? nisi ho-  
 minem Cælesti vitæ addictum, à terra, longissi-  
 mò intervallò remotum, Sacri Celibatûs, aut  
 Monasticæ Professionis splendore & puritate  
 micantem, subito ad terrenas delicias, atq; ad Ne-  
 gotia hujus Mundi delabi? mortali conjugiò im-  
 plicari? in carne & sanguine volutari? Luthe-  
 rum autem, quis tandem ignorat? Cum aliquan-  
 do Monasticam vitam perfectam, pauperem, con-  
 tinentem, Cælestem planè ac Divinam, in cla-  
 rissimo quodam Ordine profiteretur, repentinò,  
 atq; horribili casu, ex Sacerdote Laicum, ex  
 Paupere Divitem, ex continente Maritum, ex  
 Monacho, Politicum, factum? Monasterium in  
 Palati-



Palatium; Pannosam vestem, in sericam; victum  
sobrium ac tenuem, in opiparas cœnas, & pran-  
dia, commutasse? Deniq; qui propter Christum,  
Uxorem, liberos, agros, nummosq; contempserat;  
iterum propter Uxorem, & liberos, propter agros,  
& nummos, Christum reliquisse. Quia verò  
Lutherus præcipuum suum studium, in Apostoli-  
ca Sede oppugnandâ, positurus erat, seq; Christi  
Vicario Antagonistam singularem, professurus;  
pulchrè Ioannes dicit; Stellæ de Cælo cadenti, cla-  
vem abyssi datam, ita nimirum oportebat. Si-  
cut Christus Apostolo, ejusq; Successoribus, claves  
Cælorum attribuit; ita etiam satanas, cum Apo-  
stolo suo primario, clâvem abyssi communicaret; &  
sicut Petrus Cælesti clâve, Divina Oracula re-  
serabat, ac populis sibi creditis Doctrinam saluta-  
rem de Cælo adferebat. Sic Lutherus abyssi  
clâve, infernalem puteum aperiret, ac tetros inde  
errores, antiquarum Hæresum colluviem, dogmata  
perniciosa, tartareaq; educeret. Rectissimè Bel-  
larminus, pietate, Purpurâ. Eminentissimus, &  
cui, teste Clemente VIII, pro tunc quò ad do-  
ctrinam, Ecclesia non habuit parem; rectissimè

L

inquam



*Recensentur* inquam dicit; Lutherum ex infernali puteo, te-  
*Antiquarum* tros errores, Antiquarum Hæresum colluviem,  
*Hæresum er-* eduxisse; ut evidenter deduco ex Sanctis Patri-  
*rores.* bus & ex libris ipsius Lutheri.

Sanctus Augustinus, quem ipsemet Luthe-  
 rus in Colloq. Mensal. titulô de Patribus, nomi-  
 nat, *Præcipuum Lumen Ecclesiæ*, omniq. laude di-  
 gnum. Calvinus verò eundem appellat, in lib.  
 4. Institutionum cap. 14. §. 26. *Optimum ex An-*  
*tiquitate & fidelissimum Testem; Virumq.*  
*Sanctum*, pluries in iisdem Institutionibus vocat.  
 Is ergo Divus Augustinus recensendo Veteres  
*Scilicet erro-* Hæreses, & variorum Hæresiarcharum impia  
*res Aëriano-* dogmata, inter cætera lib. de Hæresibus, Hæ-  
*rum.* resi 53, scribit sic; *Aeriani* (circa An-  
 num Domini 342 exorti) ab *Aerio* quodam  
 sunt nominati, qui cùm esset Presbyter, doluisse  
 fertur, quòd Episcopus non potuit ordinari, &  
 in *Arianorum Hæresim* lapsus, propria quoq. do-  
 gmata addidisse nonnulla, dicens; Orare vel of-  
 ferre oblationem pro mortuis, non oportere; nec  
 Statuta solenniter, celebranda esse jejunia; sed  
 cùm quisq. voluerit, ieiunandum, ne videatur es-  
 se



se sub lege; dicebat etiam Presbyterum, ab Episcopo, nullâ differentiâ debere discerni.

Pepusiani (emerferunt circa Annum Christi 181) à loco quodam sic nominati sunt, (inquit Pepusianorū. idem S. Augustinus Hæresi 27) tantum dant mulieribus Principatum, ut Sacerdotiō quoq; apud eos honorentur.

Eunomius Hæresiarcha, exortus Annō Christi, 366, adeo fuit bonis moribus inimicus, Eunomianorum. ut (inquit Sanctus Doctor, 54. Hæresi) asseveraret, quòd nihil cuiq; obesset, quorumlibet perpetratio, ac perseverantia peccatorum, si hujus quæ ab illo docebatur, fidei particeps esset.

Donatistæ exorti, circa Annum 358; Donatistarū. Ducerunt, quòd Ecclesia (scribit idem S. Pater Hæresi 69) de toto Orbe terrarum perierit, atq; in Africa, Donati parte remanserit. Donatistæ Appellârunt cū Petiliano, Cathedram Apostolicam, in qua Petrus sedit, Cathedram pestilentiae; teste eodem Sancto, contra literas Petiliani, lib. 2. cap. 51.

Item, Petilianus, (fuit is acerrimus Donatistarum Patronus, è causidico factus Constantiniensis, seu Cirtensis Episcopus; Numidiæ enim Urbs, Cirta, hodie Constantina



appellatur ) perexit ore maledico, in vituperationem Monasteriorum, & Monachorum, arguens etiam me ( ait S. Augustinus contra Petilianum lib. 3. cap. 40.) quòd hoc vitæ genus, à me fuerit institutum.

*Manichæorū.* Manichæus Faustus cum suis Affectis nos ( inquit idem Sanctus Doctor contra Faustum, Manichæum lib. 21. ) calumniatur, quòd Martyrum memorias honoramus, in hoc dicens nos idola convertisse; sed maledicendi cupiditate Faustus, quod profitetur, oblitus est. Populus Christianus memorias Martyrum, Religiosa Solennitate concelebrat; & ad excitandam imitationē, & ut meritis eorum consocietur, atq; Orationibus adjuvetur, ita tamen, ut nulli Martyrum, sed ipsi DEO Martyrum, Sacrificemus, quamvis in memorias Martyrum, constituamus Altaria.

Idem S. Augustinus de Hæresibus, Hæresi Ioviniani. 82. scribit. A Ioviniano Monacho, Iovinistarum Hæresis orta est ætate nostra, cum adhuc iuvenes essemus, hic dicebat, nihil prodesse jejunia, & à cibis aliquibus abstinētiā; Virginitatem etiam Sanctimonialium & continentiam Sexus Viri-



*Virilis, in Sanctis eligentibus Cælibem vitam, conjugiorum Castorum atq; fidelium meritis adæquabat; ita quædam Virgines Sacræ prædictæ jam ætatis in Urbe Roma, ubi hæc docebat, eo audito, nupsisse dicantur: citò tamen ista Hæresis oppressa & extincta est, nec usq; ad deceptionem aliquorum Sacerdotum potuit pervenire.*

Sanctus Hieronymus (de quo Gelasius Papa cum septuaginta Episcopis, Annò Christi 494, in Concilio Romano dixit. *Illa sentimus, quæ Beatissimum Hieronymum sentire cognovimus hic inquam Sanctus Ecclesiæ Doctor, in Epistola sua 53. ad Riparium scribit. Vigilantius vigilantii.]* fatidum os iterum aperit, & putorem spurcissimum contra Sanctorum Martyrum profert Reliquias. Et nos qui eas suspicimus, appellat Cinerarios & idololatrias, qui mortuorum hominum ossa veneramur.

Sanctus Bernardus, virtute miraculorum & eximia vitæ Sanctitate conspicuus, Serm. 66. in Cantica, de suis temporis Hæreticis quibusdam, qui se ipsos Apostolicos appellârunt, scribit hæc. *pseudo-Apostolicorum.*  
Irrident nos quòd oramus pro mortuis; quòd Sanctorum



Et eorum Suffragia postulamus: non credunt ignem purgatorium restare post mortem, sed statim animam solutam à corpore, vel ad requiem transire, vel ad damnationem.

Recensitos errores, Lutherū ex infernali puteo eduxisse demonstratur.

Nonne hæc impia dogmata veterum Hæresiarum & Hæreticorum, recensita à Sanctis Patribus, & in Antiqua Ecclesia à prædictis Patribus, & omnibus Orthodoxis, habita pro damnatis, & impiis, pridemq; sepulta, nonne inquam ab inferis revocavit Lutherus? Utiq; ille negando dari purgatorium, & Missæ Sacrificium auferendo, jejuniâq; consveta Ecclesiæ tollendo, docuit cum Aerio & Aerianis. Orare vel offerre pro mortuis Oblationem non oportere, Nec statuta solenniter celebranda esse jejunia? Utiq; cum Aerio asseruit, quòd Presbyter nihil differat ab Episcopo? Inauditoq; in Ecclesia Orthodoxa exemplò, ipsemet Lutherus ordinavit pro Presbyteratu plures, inter quos Georgium Rorarium Annò 1525. & Benedictum Schichman, Annò 1540. Imò etiam duos, in Episcopos ordinavit, nempe in Merscburgensem & Namburgensem.

Cum



Cum Pepusianis item dedit mulieribus tantum Principatum, ut eis Sacerdotalem potestatem tribuerit; in libro enim suo de Abroganda Missa privata, Tomo 2, Lat. Vitemb. ait. Certus esto, & se agnoscat quicumq; se Christianum esse cognoverit, omnes equaliter esse Sacerdotes, hoc est eandem in Verbo & Sacramento quocunq; habere potestatem. Et in Libello de instituendis Ministris ad Senatum Pragensem, scribit. Sacerdos in novo Testamento non fit, sed nascitur ex aqua in spiritu & lavacro regenerationis. Suntq; prorsus omnes Christiani, Sacerdotes.

Hinc, ut scribit P. Georgius Scherer in sua Postilla de Sanctis, Concione ima de S. Stephano. Ante paucos Annos non procul Viennâ, mulier quædam nobilis, per impositionem muliebrium suarum manuum, & lintei quô præcingebatur, loco stolæ, Filiorum suorum Præceptorem & Pædagogum, ad Prædicanticum officium vocavit, ordinavit, & consecravit.

Nonne eduxit ab inferis impiam doctrinam Eunomii, dum ad suum Melancthonem Epistolâ 238 scripsit hæc. Esto peccator & peccator  
forti



fortiter, sed fortius fide & gaude in Christo, qui Victor est peccati, mortis, & Mundi; peccandum est quamdiu hic sumus: sufficit, quod agnovimus per divitias Gloriæ DEI Agnum, qui tollit peccata Mundi (hoc est, sufficit quod credimus in Christum) ab hoc non avellet nos peccatum, etiamsi millies, millies, uno die fornicemur aut occidamus.

Utiq; cum Donatistis docuit, Ecclesiam veram toto Orbe periisse, & tantummodò per multa sæcula, aliquo in angulo Orbis latuisse ad adventum usq; Hulsii & suum? Longè item majori maledicentia, quàm Petilianus, & Jovinianus insurrexit contra Cathedram Petri & Monachorum vitam, Ecclesiasticorum Cælibatum.

Nonne cum Manichæo Fausto calumniatur nos Catholicos, quod Martyrum memorias honoremus, in hoc dicens nos idola convertisse, Nosq; qui Reliquias suscipimus, appellat Cincarios ac Idololatrias. Et cum Pseudo-Apostolicis irridet nos (Lutherus cum suis Assēclis) quod oramus pro mortuis, quod Sanctorum Sus-



*fragia postulamus, nec credit ignem purgatorium restare post mortem.*

Ex dictis constat, Prophetiam in Cap. 9no. Apocalyp. v 1. & 2. contentā, rectē à Cardinali Bellarmino applicatam esse Lutherō.

Constat itē rectē à Georgio Duce Saxoniae, æternā memoriā dignissimo Principe, Friderici Fratre, Annō 1526, ipso Innocentium Festo, scripta esse ad Lutherum inter alia etiam hæc: *Ex tua (inquit) & tuorum Discipulorum doctrina renovantur omnes antiquæ & jam olim damnatæ Hæreses.* Habentur hæ Ducis Georgii literæ integræ in Tom. 3tio. Lutheri Jenensi Germanico. Et Carolus Quintus in Edicto suo contra Lutherum lato Wormatiæ, Annō 1521 ex assensu & Consilio Electorum, & omnium Sacri Imperii Principum Ordinum & Statuum. (Exstat hoc edictum in Tomo 2. Lat. Vitæb. Constat, inquit) *Lutherum non hominem, sed dæmonem potius, figurā & specie humanā, cucullog, Monasticō indutum, complurium hæreticorum, extremē damnatas Hæreses (quæ diu*

M

jam



jam obsoleverant) in unam quasi Lernæam paludem coegisse; = ut veram sinceramq; Fidem destruat & labefactet, ac sub nomine, fucog; Evangelicæ Doctrinæ, omnem Evangelicam pacem & charitatem, bonarum rerum harmoniam, atq; Constitutionem, ipsamq; deniq; pulcherrimam Ecclesiæ Hierarchiam, extingvat, evertat, dissolvat, & obruat.

## QUÆSTIO VII.

Quænam Prophetiæ, ex Sacra Scriptura desumptæ, impudenter, & calumniosè asseruntur esse de Romanis Pontificibus?

## PRÆMITTO.

*Nomē Christi  
& Antichristi  
variè sumitur*

Sicut nomen CHRISTI sumitur dupliciter; Primò propriè & speciatim, pro quodā eximio & singulari Christo, qui est JESUS Filius DEI vivi. 2dò. Communiter pro his omnibus, qui habent cum Christo similitudinem, quantum ad unctionem; & sic Prophetæ,  
Reges



Reges, & Sacerdotes omnes dicuntur Christi; Psal. 114. *Nolite tangere Christos meos.* Ita etiam Nomen *Antichristi* sumitur bifariâ; Primò Pro principali & eximio Christi Adversario, de quo agitur. 2. Thesal. 2. & 1. Joa: 5. & apud Danielem, & in Apocalypsi. 2dò. Pro quocunq; Christi Adversario, cujusmodi sunt omnes Hæretici, & in hoc sensu dictum est ab Apostolo 1. Joan. 8. v. 18. *Nunc Antichristi multi facti sunt;* id est multi Hæretici, malè de Christo sentientes, de quibus sequitur. *Ex nobis prodierunt, sed non erant ex nobis.* Item 1. Joan: 4. v. 3. *Omnis Spiritus, qui solvit IESUM, ex DEO non est, & hic est Antichristus, de quo audistis, quoniam venit, & nunc jam in Mundo est.* Hanc distinctionem tradunt Sancti Patres; Augustinus, Tom. 6. lib. 2. contra Adversarium Legis, & Prophetarum. cap. 12. ait. *Ad quem pertinet etiam iste, qui se ostendit Antichristum; non unum illum majorem cæteris, sed ex his aliquem, de quibus dicit Ioannes Evangelista; Nunc Antichristi multi facti sunt. Eos enim dicebat Hæreticos, qui temporibus Apostolorum, esse jam*



ceperant. Et S. Damascenus lib. 4. Orthodoxæ Fidei, c. 27. Omnis qui non confitetur Filium DEI & DEUM venisse in Carne, & esse DEUM perfectum, & factum esse hominem perfectum, Antichristus est. Attamen peculiari modo, ac præcipuò, Antichristus dicitur, qui in consummatione sæculi venturus est. Ita passim & alii Patres.

Gravissima  
calumniarum  
vatorum in  
Rom. Pontificem.

Lutherus, Calvinus, eorumque sequaces, quæcunque Prophetico spiritu de Antichristo proprie dicto prædicta continentur in Sacra Scriptura, ea omnia de Romanis Episcopis esse certa, & evidentiæ Oracula, asserunt. Certè Calvinus in Explanatione Epistolæ 2dæ, ad Thessalonicenses cap. 2. Quisquis (inquit ille) à Scriptura edoctus erit, quanam DEO maxime sint propria; & ex adverso intuebitur, quid sibi Papa usurpet, etiamsi puer sit decennis, non multum laborabit in noscendo Antichristo, quòd scilicet Papa sit Antichristus. Lutherus etià Tomo 1. Vitemb. in Disputatione in illud: Vade, vende. Et alibi, præsertim in libro suo fædissimo, blasphemiiis pleno, cui titulus: *Adversus Papatum*



tum Romæ à Satana fundatum. dicit: Omnino evidens est, quòd Papa sit Antichristus, Monstrum, de quo Daniel dicit; quòd adversatur omni DEO Deorum &c. Et quidam dictorum Hæresiarcharum impudentissimi, Affectu, contrucidatæ honestatis, & veritatis tenebriones, in libris etiam à se editis, non erubuerunt asserere; quantâ certitudine ac evidentia, demonstratur DEUM existere, eadem certitudine & claritate, Papam esse Antichristum, in Sacra Scriptura prænuntiatum, demonstratur. Cum tamen omnis eorum demonstratio, vel nuda eorum assertione; vel patetibus mendaciis, enormibusq; calumniis; vel textus Sacri depravatione, aut contorsione nitatur.

Notârunt rectè Theologi gravissimi, Lessius Valentia, & alii, longaq; inductione constat, Consuetum esse Hæreticis, ut dum aliquod grande paradoxum statuunt contra Orthodoxos, pleno ore clamare, id esse clarissimum etiam Idiotis & ipsis pueris; quod & hic facit Lutherus, & Calvinus. Si & decenni puero facile est nosse, Papam esse Antichristum. Cur id retròactis sæculis;



culis, hucusq̃ ignorat **Universus Orbis Ortho-**  
**doxus?** Norunt bene Sancti Patres antiqui, &  
 Concilia Oecumenica: nōrunt Celeberrimæ Chri-  
 stianæ Academiae, & doctissima Sapientum Col-  
 legia. Nōrunt Reges, & Principes Catholici,  
 quænam sint **DEO** maximè propria: item nō-  
 runt, quæ sibi usurpet Papa; hucusq̃ tamen non  
 tantum non agnoverunt Papam esse Antichristū,  
 sed semper firmissimè asseruerunt & asserunt, eum  
 esse Caput visibile, & Pastorem **Universæ Ec-**  
**clesiæ.** Ita è Patribus **S. Irenæus** lib. 3. adver-  
 sus Hæreses cap. 3. **Athanasius** in Epist. ad Felicē  
 Papam. **S. Basilii** Epist. 52. ad Athanasium.  
**S. Chrysostomus** Epist. 1. ad Innocentium Papam.  
**S. Ambrosius** in cap. 3tium Epist. 1mæ. ad Ti-  
 motheum. **S. Anselmus** lib. de Incarnatione Ver-  
 bi. cap. 1. & alii. Ex Conciliis item Concilium  
 Generale Chalcedonense, Actione 1. 2. & 3. in  
 Epist. ad Leonem. Concilium Nicænum 2dum  
 Actione 2. Lateranense sub Innocentio III, cap. 5.  
 Florentinum, & alia. Vide plura hac de re infra,  
 & sub Notato 2do, 3tio, & ad Calcem Libri hu-  
 jus sat fuse,



Insuper Papam non esse Antichristum, soli- *Demōstratur*  
dè ac patenter inter alia evincunt etiam hæc. *evidenter &*

*Primò.* Antichristus non regnabit nisi tribus *multifarie,*  
Annis cum dimidio; ut habetur Danielis. 7. v. 25. *Rō: Pontificē,*  
*non esse Anti-*  
*christum.*

*Per tempus & tempora, & dimidium temporis.*  
Item Apocal. 11. v. 2. *Mensibus quadraginta duo-*  
*bus & ibidem v. 3. Diebus mille ducentis sexa-*  
*ginta.* Unde S. Jrenæus lib. 5to. in fine ait. *Re-*  
*gnabit Antichristus Annis tribus & Mensibus*  
*sex: & tunc veniet Dominus de Calis.* S. Au-  
gustinus lib. 20. de Civitate DEI, cap. 23. *An-*  
*tichristi (inquit) adversus Ecclesiam, sævisi-*  
*sum Regnum, licet exiguu spatio temporis susti-*  
*nendum, qui vel dormitans, hæc legit, dubitare*  
*non sinitur, tempus quippe & tempora, & dimi-*  
*dium temporis, Annum unum esse, & duos &*  
*dimidium, ac per hoc tres Annos, & semissem*  
*etiam numero dierum posterius posito, dilucescit*  
*aliquando in Scripturis, & Mensium numero de-*  
*claratur.* Similia habent Theodoretus in cap. 7.  
Danielis. Sanctus Cyrillus Catechesi 25. & alii  
passim.

*Secundo.* Recipietur à Judæis pro Messia,  
ut



ut docent SS. Patres antiqui, Irenæus, Cyrillus,  
 Hieronymus, Ambrosius, Augustinus, Hilarius,  
 & alii, idē probant, Tum ex cap. 5. Joan. v. 43  
*Ego veni in nomine meo, & non recipitis me, si al-*  
*ius venerit in nomine suo, illum recipietis.*  
 Tum ex S. Pauli Epist. 2. Thessal. cap. 2. v. 10.  
*Eo quod Charitatem veritatis non receperunt, ut*  
*salvi fierent, ideo, mittet illis DEUS operatio-*  
*nem erroris, ut credant mendacio.*

Tertiò. Ignem faciet descendere de Cælo in  
 conspectu hominum. Apocal. 10. v. 13. Efficiet  
 item, ut Imago Bestiæ loquatur. Apocal. 13. v. 1.

Quartò. Sedes Antichristi futura est Hiero-  
 solymis; S. Joannes enim in Apocal. cap. 11 di-  
 cit duos testes (scilicet Enoch, & Eliam) pu-  
 gnaturos cum Antichristo, in Jerusalem, & ibi-  
 dem ab illo interficiendos; & corpora (inquit)  
 eorum jacebunt, in plateis Civitatis magnæ, que  
 vocatur Spiritualiter Sodoma, & Agyptus, ubi  
 & Dominus eorum crucifixus est. In quem lo-  
 cum ait Aretas. Corpora ipsorum insepulta, proji-  
 ciet in plateas Ierusalem, in ea enim regnabit  
 tanquam Rex Iudæorum. Similiter exponunt a-  
 lii Interpretes.

Quin-



*Quintò.* Tempore Antichristi, venturi sunt duo testes (Enoch & Elias, vel ut alii volunt cum Patre Maldonato, in cap. 17. Mathæi, Moyse & Elias) qui *amicti Saccò*, seu ciliciò, prophetabunt diebus mille ducentis & sexaginta, & habebunt potestatem claudendi Cælum, ne pluat diebus Prophetiæ ipsorum, & potestatem habent, convertendi aquas in sanguinem, & percutiendi plagâ omni terram. Apocal. 11.

*Sextò.* Venturus Antichristus modoprimum, post everisionem Romani Imperii, ut asserunt Patres, tam Græci, quàm Latini. S. Cyrillus Catechesi 15 ait. *Veniet prædictus Antichristus, cum impleta fuerint tempora Romani Imperii.* S. Chrysostomus in 2. Thessal. 2. *Quando è medio, sublatum fuerit Romanum Imperium, tunc veniet Antichristus.* Similiter loquuntur, Ambrosius, Theophilactus, Lactantius, & alii. Item Tertullianus in Apologetico adversus Gentes, cap. 32. ubi etiam addit; Fideles orare pro diuturnitate Romani Imperii, eò quòd sciant eo Imperiò everisò, imminere extremam sub Antichristo calamitatem. *Est (inquit ille) & alia major*

N



ior necessitas nobis orandi pro Imperatoribus, etiam pro omni Statu Imperii, rebusq; Romanis, quod vim maximam universo Orbi imminentem, ipsamq; clausulam seculi, ac orbitates horrendas comminantem, Romani Imperii commeatum sciamus retardari; itaq; nolumus experiri, & dum precamur differri, Romanæ diuturnitati favemus.

Divus Hieronymus id ipsum confirmat insuper antiquissima Traditione Ecclesiæ; in Caput enim 7. Danielis. Ergo dicamus (inquit) quod omnes Scriptores Ecclesiastici tradiderunt, in Consummatione Mundi, quando Regnum destruendum est Romanorum, decem futuros Reges, qui Orbem Romanum, inter se dividant.

Propheta verò Daniel. cap. 7. v. 24. sat clarè prædicit, non venturum Antichristum, nisi post illos decem Reges, qui Imperium Romanum inter se dividant, & proinde post illius everisionem.

Hæc enumerata signa sex, nullatenus convenire Episcopis Romanis, per se evidens est. Nō enim tantum semper quatuor Annis, verum multis sæculis, regnat jam Pontifex Romanus; à  
Judæa



Judæis pro Messia nunquam receptus; nec ul-  
 lus post Divum Petrum fuit, Judæus Gente,  
 aut Religione; non fecit ignem de Cælo de-  
 scendere, aut bestiam loqui; Sedem suam habet  
 Romæ non Jerosolymis, ubi Crucifixus est Do-  
 minus; necdum etiam comparuerunt illi duo te-  
 stes, Enoch vel Moyses, & Elias, amicti sacco.  
 Imperium demum Romanum, nondum planè de-  
 solatum, ac eversum est.

*Accedit Imò.* Quia Ecclesia Catholica, quæ  
 toto Orbe diffusa est, non potest errare in Fi-  
 de, cum sit Columna & Firmamentum veritatis  
 Hæc autem Ecclesia negat Pontificem esse An-  
 tichristum, & fatetur, Eum esse suum Pastorem,  
 & Caput.

*Eadē veritas  
 clarè evinci-  
 tur adhuc ali-  
 is Rationibus.*

*Accedit 2dò.* Quia qua ratione est evidens  
 Luthero, Papam esse Antichristum? siquidem ip-  
 semet Lutherus adhuc Annò 1518, die Sanctissi-  
 mæ Trinitatis, ad Leonem X Papam, in Præfa-  
 tione, in Resolut: Indulgent: scribit hæc. *Be-*  
*atissime Pater, prostratum me pedibus Beatitu-*  
*dinis Tuæ offero cum omnibus quæ sum, habeo.*  
*Vivifica, occide, voca, revoca, approba, reproba*



*Judiciū Lu- ut placuerit. Vocem Tuam, vocem Christi in Te  
theri pro iūc presidentis & loquentis agnoscam; si mortem me-  
Sobrii, de Le- prui, mortem non recusabo. Et eodem Annō po-  
one Papa, & Rō: Ecclesia. stea coram Cardinali Cajetano, & aliquot Pro-  
ceribus ac Cæsaris Consiliariis scriptō & ore fi-  
dē suā Confessus ita; Ego Martinus Luther Augu-  
stinianus, protestor me colere & sequi Sanctam Ro-  
manam Ecclesiam in omnibus meis dictis, & fa-  
ctis, presentibus, præteritis, & futuris. Quod  
si quid contra vel aliter dictum, fuit vel fuerit,  
pro non dicto haberi, & habere volo. Imò adhuc  
Añō 1519, 3tia Martii scripsit Epistolā. ad Leo-  
nem Papam, in qua etiam continentur hæc. Ple-  
nissime confiteor, Romanæ Ecclesiæ potestatem, esse  
super omnia; nec ei præferendum quidquam sive  
in Cælo, sive in terra, præter unum IESUM  
Christum Dominum omnium &c. Insuper Annō  
1520, 6ta Aprilis ad eundem Leonem X scripsit  
(exstat hæc Epist. Tom. 2. Lutheri, Epist. 166)  
Celebratior (inquit) & Augustior est in omni  
Terrarum Orbe, tot tantorumq; Virorum literis  
cantata Opinio, & vitæ tuæ inculpata fama, quàm  
ut à quodvis vel maximi hominis possit quavis ar-*



te impeti. Non sum tam stultus, ut eum incessam,  
quem nemo non laudat.

Deinde Quæro. Omnesne Romani Pon-  
tifices fuerunt Antichristi? Respondent Nova-  
tores. Minimè. Sed primus inter Episcopos Ro-  
mandos, fuit Antichristus, Gregorius Magnus,  
homo pessimus. Ita Centuriatores, Centuriâ  
6tâ, cap. 1. & Chytræus in cap. 9. Apocalyp.  
Vel post Gregorium (qui ad Cælestem Beatitu-  
dinem evocatus Annô 604) Bonifacius III (ut  
alii volunt) qui obiit Annô Christi. 606  
Contra est. (Præterquam quòd Lutherus in Cap.  
9. Apocal. dicit. *Gregorius fuit Vir Sanctus &  
bonus.* idem dicit Bibliander.) Ergone omnes  
Majores nostri Christiani, quotquot in Polo-  
nia, Germania, Gallia, Hispania, Anglia, Sve-  
cia, Dania, &c. fuerunt ab Anno 600, usq; ad  
tempora Lutheri & Calvini, scilicet ad An-  
num Christi 1515. (Nam Zvinglius An: 1516  
Lutherus, 1517, Calvinus circa An: 1625, suas  
Hæreses exorsi sunt) fuerunt omnes hi Antichri-  
stiani, & ad inferorum pænas damnati? Itane  
æternum periêre, miraculis, doctrinâ, Sanctitate  
infi.



infignes? præter alios innumeros, Bernardus Anselmus, Albertus, Stanislaus, Casimirus, Bonifacius I, Archiepiscopus Moguntinus, Germanorum Apostolus; Ansgarius, Apostolus Svecorum; Ebbo, Archiepiscopus Remensis, Daniæ Apostolus &c. Hi enim omnes, ut evidens est ex Historiis, paruerunt Papæ, & vixerunt post Gregorium Magnum. Quænam contra Pontifices Romanos Concilia legitima congregata? Quis eos, ex inculpatæ Fidei Auctoribus, & Doctoribus, unquam oppugnavit, & cōvicit errasse in Materia Fidei? Ubi nam per tot sæcula latuit vera Ecclesia Christi? *Ecquid verisimilene est* (utor verbis Tertulliani de præscriptione, cap. 28. qui floruit Anno Christi 210) *ut tot, ac tantæ Ecclesiæ, in unam Fidem erraverint? aliquos Marcionitas, & Valentinianos (Lutheristas, Calvinistas) liberanda veritas expectabat, interea perperam Evangelisabatur? perperam credebatur?*

*S. Bernardi* Audi Hæretice, mellifluum Doctorem Bernardum, qui obiit longè post S. Gregorium Magnum, nempe Annò 1153. quem, *Virum esse Sanctum*



Etum, nominat ipsemet Calvinus lib. 4. Instit. cap. 7. Audi inquam verba eius lib. 2. de Consideratione, ad Eugenium Papam; Age, indagemus adhuc diligentius, quis sis, quam geras, videlicet pro tempore Personam, in Ecclesia DEI? Quis es? Sacerdos Magnus, Summus Pontifex, Tu Princeps Episcoporum, potestate Petrus, Unionione Christus; Tu es, cui claves traditæ, cui Oves concreditæ sunt. Sunt quidem & alii, Cæli Ianitores, Gregumq; Pastores; sed Tu tantò gloriosius, quantò differentius utrumq; præ cæteris nomen, hereditasti. Habent illi assignatos sibi Greges, singuli singulos; tibi Universi crediti, uni, omnes. Aliorum potestas certis arctatur limitibus, tua extenditur & in ipsos, qui potestatem super alios acceperunt. Ibidemq; Eugenium, vocat Vicarium Christi. Non absimilia habent alii Sancti Patres.

Ad meliorem intelligentiam dictorum.

### NOTA Primò.

**N**Ovatores nonnulli (ut testatur P. Beccanus) asserunt, per duos illos testes, Apocal: 11. intelligi debere Ioannem Hussum, & Lu-

*Demōstratur  
duos testes A-  
pocal: non esse  
Hussum, &  
Lutherū, vel  
Lutherum &  
the- Calvinum.*



therum: vel Lutherum & Zvinglium, aut Calvinum, hi enim ab Antichristo (idest ut calumniatur) Romano Pontifice, persecutiones magnas passi sunt; imò primus ex illis, vivus combustus Constantiæ. Quam effrontissima hæc interpretatio Scripturæ Sacræ & cæca intelligentia! ut constet ex his.

*Huss contraria docuit  
Luthero.*

Primo. Illinc duo testes à DEO missi? qui in Articulis Fidei, sibi docuerunt è Diametro opposita? Joannes enim Huss. Tom. 1. fol. 51. in Elucidatione sua Fidei; confirmat invocationem Sanctorum. Epist. 35. multum tenet de meritis Sanctorum. Tomo 2. ad Caput Epist. 5. S. Jacobi, fol. 149. agnoscit septem Sacramenta; & eodem Tomo, Serm. de Exequiis, Missam approbat, docetq; Corpus Christi esse ante sumptionem; hortatur item Sacerdotes ut Missas devotè celebrent. Lutherus verò, nonne omnino his contraria, suos docuit? licet idem Huss, ob alias suas propositiones graviter erroneas, inter quas fuerunt hæc: *Omnia sunt necessitate absoluta. Soli boni sunt in Ecclesia. Nullus est Dominus civilis, nullus est Præla-*  
tus



tus, nullus est Episcopus, dum est in peccato mortali. Merito pro hæretico habitus est, à toto Universali Concilio Constantiensi, Ecclesiam Orthodoxam repræsentante, & ob Hæresim, rogo adjudicatus, ab eodem Concilio. Calvinus, Zvinglius negant verè esse Corpus præsens Christi in Eucharistia, sed solum esse figuratè, significativè, seu tanquam in signo. E contra Lutherus, firmissimè censet, existere verè Corpus Christi in Eucharistia, licèt simul cum Substantia panis.

*Secundò.* Lutherus in lib. de verbis Cænæ. *Lutheri judi-*  
*ait. Moneo, ut non aliter sibi caveant à Zvinglio,* *cum de Zvin-*  
*quàm à Sathanæ veneno. Sacramentarii, (id est tra Zvinglii*  
*Calvinistæ & Zvingliani) sunt Verbi DEI cor-* *de Luthero.*  
*ruptores, Idololatæ, Diabolicas cogitationes cir-*  
*cumferentes, blasphemi, deceptores. Maledicta sit*  
*in omnem eternitatem, cum illis charitas, & con-*  
*cordia. E contra Zvinglius Tomo 2. Episto-*  
*larum ad Esling. scribit; Lutherus est falsus Pro-*  
*pheta, scurra, sue fædior, pessimus Hæreticus, im-*  
*postor, Marcione peior. Et in Responsione ad*  
*Lutheri librum de Sacramento, ait. Lutherus*  
*est*



*est incorrigibilis hareticus, Antichristus, Christi negator.*

*Tertiò.* Illine sunt testes, amicti saccò, seu ciliciò, qui postquam à Fide Catholica defecerunt, detestati sunt Austeritatem vitæ, castigationemq; corporis proprii: ad omnemq; peccandi licentiam, aperuerunt viam, docendo; solam Fidem, ad salutem necessariam esse, & sufficientem; Decalogum non pertinere ad Fideles Christi. Legem DEI, Sanctis esse impossibilem. Omnia nostra opera bona, esse peccata mortalia coram DEO.

## NOTA Secundò.

*Nomine Babylonis, quid intelligitur?*

**P**E Babylonem, quam describit S. Joannes, in sua Apocal. cap. 17. de eaq; ibidem multa prædicit; licet SS. Patres, Augustinus, Ambrosius, Prosper, Beda, Thomas, item Haymo, Rupertus & alii, intelligunt universam Diaboli Civitatem; id est, omnium impiorum multitudinem; tamen probabilius est, quod per Babylonem in sensu literalì, intelligatur Roma; ut ex Scriptura, ratione, & Auctoritate, tam antiquo-  
rum



rum Scriptorum, Tertulliani, Hieronymi, Calsiodori, Victorini; quàm Theologorum recentium, ut Bellarmini, Salmeronis, Suarez, Sixti Senensis; aliorumque plurimorum doctissimè probat, noster Cornelius à Lap. in suo Eruditissimo Cōmentario, in Apocalypsim. Probabilius, inquam, quòd Roma intelligatur; sed non ut Hæretici calumniantur, Romana Ecclesia, neque Roma Christiana, qualis nunc est; verum Roma infidelis & pagana, qualis erat sub Nerone, & aliis Imperatoribus, Ethnicis, usque ad Constantinum Magnum, qualisque rursus probabiliter futura, tempore Antichristi, ante finem Mundi.

De Ecclesia Romana quid sentiant Patres, utinam attentè audiant, & penetrent Novatores. S. Jrenæus, antiquissimus, & Doctissimus Pater, Episcopusque Lugdunensis, lib. 3. adversus Hæreses. cap. 3. ait. *Sed quoniam valde longum est in hoc tali Volumine omnium Ecclesiarum enumerare Successiones, maximæ, & antiquissimæ & omnibus cognitæ, à Gloriosissimis duobus Apostolis, Petro & Paulo, Romæ, fundatæ,*

*Antiquorum  
Patrum sensus  
de Romana  
Ecclesia.*



Constituta Ecclesia, eam quam habent ab Apostolis traditionem & annuntiatam hominibus fidem, confundimus omnes eos, qui, quomodo, vel per sui placentiam malam, vel vanam gloriam, vel per cæcitatem, præterquam oportet, colligunt. Ad hanc enim Ecclesiam, propter principaliorem principatum, necesse est omnem convenire Ecclesiam, in qua semper, ab iis, qui sunt undiq̃, conservata est ea, quæ est ab Apostolis Traditio.

Tertullianus, lib. de præscriptione cap. 36to. Felix (inquit) Ecclesia Romana, cui totam Doctrinam Apostolicam cum Sanguine (Petrus, & Paulus) suo profuderunt.

S. Cyprianus lib. 1. Epist. 3. ad Corneliū Papam; Sedem Romanam vocat, Petri Cathedram & Ecclesiam Principalem, unde unitas Sacerdotalis exorta est. & lib. 4. Epist. 8. ad eundem Cornelium, vocat eandem, Ecclesiæ Catholicæ, Matricem & Radicem. Hæc est illa Ecclesia, (ut scribit Divus Hieronymus, adversus Rufinum) quæ semper immaculata permansit, & Domino providente, ac Beato Apostolo ferente opem, in futuro manebit.

Ej



Est, ut idem S. Doct. in Epist. sua 57. ad Damasum Papam, ait. Domus illa, extra quam, quicunq; Agnum comederit, profanus est. Est illa Arca Noe, in qua si quis non fuerit, regnante Diluvio, peribit. Hæc est Ecclesia, in qua, (ut inquit D. Augustinus, Epist. 162. & lib. 1. cap. 2. contra Epist. Parmeniani, item in Psal. contra Partem Donati) semper viguit, Apostolicæ Cathedræ Principatus, cui totus Orbis Christianus, in transmarinis & longè remotis terris, subiectus est. Hæc ipsa est Petra, quam non vincant inferorum portæ. Similia habet S. Opatus, lib. 2. contra Parmen. Sanctus Leo Epist. 87. & alii; quin & ipse Lutherus Ecclesiam Romanā multū de prædicat, vide supra pag: 100

### NOTA Tertiõ.

**I**psa etiam Urbs Christiana Roma, (quæ olim, Valentia, fuit dicta) Sancta est, & Sanctior *Elogium Urbis Romæ cõ-*  
omnibus, Orbis Urbibus. Ubi enim (ut re- *forme veri-*  
tati. *tati.* notat Cornelius à Lapide) tot Monasteria, tot Basilicæ Apostolorū, SS. Pontificū, Martyrū, Virginū, Martyria & Templata tot hospitalia, tot nosocomia, tot orphanotrophia, quot Romæ? ubi tot charitatis opera, tot misericordiæ sodalitates



tates, tot eleémofynæ, tot pietatis exercitia, quot Romæ? ubi tot Prælati Sapientes, & integri, tot Sacerdotes probi & pii, tot Religioſi Sancti: Tot Virgines DEO dicatæ, quot Romæ? ubi Cives & Populus tam devotus, tam Chriſtianus, tam ardens zelô DEI, uti videmus Romæ? verum Hæretici, livore cæci, ab his oculos averſunt, & Romæ nonniſi, lupas & gurguſtia quærunt & inveniunt, fur enim furem agnoſcit, lupus lupam, leno lenam. Hæ enim longè magis exteris, quàm civibus, uti expoſitæ, ita & cognitæ ſunt. Romæ enim eſt confluentia omnium, ex toto Orbe nationum; in Urbe eſt Orbis; Quid mirum, in tanta colluvie, eſſe ſpurcos, & inceſtos, quibus, ni lupas permittas, agnos invadent.

Rō: Pontifex  
adverſatur  
Chriſto Hæ-  
reticorum.  
Vide infra in  
Notato IV.

### NOTA Quartò.

EX dictis luculenter conſtat, virulentiffimū, & teterrimum probrum eſſe, ſi quis in illo cap. 17. Apocal. à S. Joanne, per Babylonem, & meretricem purpuratam, aſſerat denotari Eccleſiam Romanam, aut Pontificem Romanum,

vel



vel cum censeat Antichristum, seu adversarium  
**JESU** Christi, Domini Nostri. Concedendum  
 tamen, quòd Papa adversetur non quidem Chri-  
 sto vero, & communi Fidelium, (ejus enim est,  
 in terris Vicarius, & cultor eximius) sed adver-  
 satur Christo, quem colunt Hæretici, præsertim  
 Calvinistæ, quemq; sibi fingunt pro eo, quod  
 non est ipse. Calvinus enim, (ut sat fuse & cla-  
 re ostendi in lib. cui titulus; *Admiranda Zvin-  
 glii & Calvini. Tract. 3. cap. 3*) cum suis ple-  
 risq; Assèclis, impiè docet. Christum non esse  
 natum ex Virgine Illibata; Eumq; seu pressius  
 loquendo, Animam Christi Domini, tempore in-  
 fantiæ destitutam fuisse usu rationis, & intelligen-  
 tiæ. Item, Christum Dominum in horto Get-  
 semani, habuisse oblivionem, caliginem, incon-  
 stantiam, Divinæ voluntatis repugnantiam, adeoq;  
 re ipsa peccasse. Tempore item suæ passionis,  
 damnatorum pænas, in animo pertulisse; & di-  
 cendo; **DEUS** meus ut quid dereliquisti me;  
 in Cruce desperasse. &c. Ejusmodi Christo Cal-  
 vinianorum, ignorantiam atq; peccatò laboranti,  
 desperabundo, aut etiam re ipsa desperanti, damna-  
 torum



torum pœnas in animo perferenti, haud dubiè  
 potentissimè adversatur Romanus Pontifex; &  
 eo nomine, Antichristus audiri non refugit, ut  
 sapienter annotavit, Eruditissimus Theophilus  
 Raynaudus Tom. 10. in lib. cui titulus *Cerona*  
*Aurea Romani Pontificis.*

## NOTA Quintò.

**C**Alvinus, nefandi criminis, judicialiter con-  
 victus, & in pœnam tanti sceleris, cauteriò  
 candenti lilio, in suo humero inustus; ut testa-  
 tur sub jurejurando in vita Calvinì á se conscripta  
 Hieronymo Bolsecus, Medicus Lugdunensis. Itē  
 Jacobo Laingner Doctore Sorbonico in vita Cal-  
 vini; Surius ad Annum 1538. Stapletonus, Cam-  
 pianus Martyr, & præter alios plurimos etiam  
 Conradus Schlusseburgius, primarius Minister  
 Lutheranus. Hic inquam Calvinus impudentis-  
 simus, explicando librum Genesis, impudenter  
 Prophetiam illam Nòemi, Genesis cap. 9. v. 25.  
*Maledictus Chanaan, Servus servorum erit.* Ap-  
 plicat Romanis Pontificibus, ex eo, quòd se vo-  
 cent, Servos Servorum. Impudenter inquam, nam  
 Papa,

*Sacræ Pro-  
 phetia, impia  
 Calvinistica  
 detorsio con-  
 tra Romanos  
 Pontifices.*



Papa, non absolutè se nominat *Servum Servorum*, sed cum addito, *Servum Servorum DEI*, quæ denominatio est longè alia, ut bene, ante aliquot Annorum centena, Rupertus lib 4. in *Genesim*, cap. 37. expressit his verbis. *Dixit Noë de Chanaan, Servus Servorum erit, quo addita- mento, servitus extrema, imò Servilis nequitia, solet exprimi, nisi cum subiectione DEI, dum quis, per egregiam humilitatem suam profitetur se Servum Servorum DEI.* Et ita defacto facit Papa. Porro ferè primus ex Episcopis Romanis, titulum hunc usurpavit, S. Gregorius Magnus, volendo sic superbiam deprimere, Joannis Jejunatoris, Constantinopolitani Patriarchæ, qui sibi arroganter assumpserat, nomen *Patriarchæ Oecumenici, sive Universalis.* Exemplum Sancti Gregorii, omnes deinde Pontifices Romani secuti, & quidè tam constanter, ut rescriptum, quod eo titulò careat, habeatur adulterinum; ut refert Joannes de Anania, ad Proœmium lib. 1: *Dere- talium.* Dixi; ferè *Primus*, quia antea S. Damasus Papa, rescribens Stephano, Carthaginensi,



& tribus Conciliis Africanis, in illis suis literis,  
se subscripserat, *Servum Servorum DEI.*

## NOTA Sextò.

*In quo sensu  
Rō. Pontifex  
est Episcopus  
Universalis?*

**E**X Cardinalis Bellarmini Tomo 7. quòd apud  
S. Gregorium, dicatur Episcopus **Univer-**  
salis, qui solus Episcopus ita esse cupit, ut  
nullos alios patiat. Sic enim lib. 7. Epist. 69.  
ait. *Si unus universalis est, restat ut vos Episcopi non  
sitis.* & lib. 4. Epist. 36. *Si unus Patriarcha  
Universalis dicitur, Patriarcharum nomen cete-  
ris derogatur.* Et in tali sensu Papa non est Epi-  
scopus Universalis, quasi solus ipse sit Episco-  
pus, & alii non sint Episcopi, sed ejus Vicarii.  
Est tamen Episcopus Universalis in hoc sensu,  
quòd omnis ordinaria Jurisdictio Episcoporum,  
descendit immediatè à Papa, in quo omnis Ju-  
risdictio Ecclesiastica, plenissime reperitur.

## NOTA Septimò.

**L**utherani ante multos Annos, ediderunt ef-  
figiem Lutheri, æri incisam, cum hac in-  
scriptione; *Divinum, atq; admirabile Vaticani*

*num*



nium Divi Ambrosii & Augustini, de tempore,  
 & adventu Sancti Lutheri, quo contra Anti-  
 christum Romanum scribere cepit, ut in literis  
 hujus versiculi, numerum anni representantibus  
 continetur, quod est apud Christi Fideles admi-  
 ratione & notatu dignum.

tIbI CherVbIn, & SeraphIn InCessabILI  
 VoCe proCLaMant.

Hujus versiculi, literæ numerales, conficiunt 1517  
 quo primum Domini Anno, Lutherus prædicare  
 cepit. Et ob hanc Prædicationem, per illam  
 Prophetiam, per numeros literarum insinuatam,  
 significatur (inquiunt Lutherani) exultatio, &  
 gratulatio Cælestium Spirituum. Sed inscripti-  
 onem illam esse erroneam, patet.

Primò. Quia illo Anno 1517, nonnullos tantum  
 abusus Indulgentiarum taxavit Lutherus. Sed  
 necdum illò Annò, Lutheranus erat Lutherus.  
 Post editas enim pridie Festi Omnium Sancto-  
 rum, de Indulgentiis Theses, Missam sequenti  
 die, & aliis sequentibus diebus Festis, illò An-  
 nò celebravit, septem esse Sacramenta agnovit,  
 & Papam, Vicarium Christi, testatus est. Imò  
 adhuc ipso Anno 1518. Dominica Sanctissimæ  
 Trini-



Trinitatis die, scripsit ad Leonem. *Beatissime Pater, prostratum me pedibus Beatitudinis tue &c.* Et coram Cardinali Cajetano professus est Fidem suam his verbis: *Ego Martinus Luther Augustinianus &c.* imò adhuc Anno 1519, scripsit ad Leonem Papam. *Plenissime confiteor Romanæ Ecclesiæ, &c.* vide supra pag. 110. & infra pag. 117. Ergo adhuc tunc Antichristum colebat, & idololatriam exercebat; cum juxta Lutheranos, Antichristus sit Papa, & Missa idololatria. Quomodo ergo Exultatio Cælestiū Spirituum facta, ratione Anni 1517, ob Lutheri prædicationem?

*Secundo patet, quia juxta lectionem Hæbreæ, ut est indubitatum, scribenda sunt per M. non per N. Cherubim & Seraphim; & sic provenient Anni 3517.*

*Tertio patet. Quia ille versiculus desumptus est ex Isaia cap. 6. Ubi Seraphim simili modo clamant; Sanctus, Sanctus, Sanctus, Dominus DEUS Sabaoth; Ibi autem designatur potius excæcatio Judæorum; ut ex versu nono & sequentibus colligitur. Provocatur enim DEUS*



US, ut aspectu suæ Sanctitatis, qua illi omne scelus displicet, scelera & impietatem vindicet. Quare, si Lutherani volunt omnino Annum Lutheranae suæ Sectæ primum esse 1517. & Chronosticè designari illo versiculô; debent consequenter dicere, designari Lutheri & ejus sequacium obsecrationem. *Addo.* Advertant Lutherani, in dictionibus his; *Ero spIrItVs MenDaX*, contineri Annum 1517, dictamq; Propositionem Chronographicam, verè convenire Luthero, ut facile patebit legenti librum hunc.

*Nota demum.* Quia plurimi è Novatoribus, præeunte Luthero & Calvino, dum Sermo incidit de Papa, exnunc effutire solent, Eum esse verum Antichristum, in Scriptura Sacra prænuntiatum; vel esse maledictum Chanaan, vel aliis fœdissimis Epithetis Eum afficere non erubescunt, ideo.

*Primo convenit.* Scire quid de Romano Pontifice & Romana Ecclesia senserit ipse Lutherus, & Jansenius. Lutherus ergo Annô 1519, ad Leonem X. scripsit hæc; *Scio Romanam Ecclesiam, purissimum esse thalamum Christi, Matrem Ecclesiam.*

*Lutherus quid  
Sobrigdepra-  
dicat Roma-  
nam Ecclesiã.*



fiarum, Dominam Mundi, Sponsam Christi, Fili-  
am DEI &c. Habetur hæc Epist. Tomo 1. Epi-  
stolarum Lutheri, Epist. 166. vide & dicta su-  
pra pag. 100.

*Nec non Jan-  
senius.*

Cornelius verò Jansenius, quem alii, Infula-  
tum Calvinum (fortè non immeritò) nominant,  
is Tomo 2. lib. 1. cap. 29. ait. *Mibi constitu-  
tum est Ecclesiam, quam ab infantia secutus sum,  
sensuum meorum, ad extremum usq. spiritum du-  
cem sequi Romanam Ecclesiam, & Beatissimi  
Petri in Romana Sede Successorem, super illam  
Petram, ædificatam Ecclesiam scio. Quicunq. cum  
illo non colligit, spargit apud eum solum, incorrupta  
Patrum servatur hæreditas. Quodcunq. ab ista  
Petri Cathedra, in cujus communione à teneris  
vixi, & porro vivere ac mori fixum est: Ab isto  
Christi Domini Nostri Vicario, ab isto  
Ecclesie Christianae Unversæ Capite, Mode-  
ratore, Pontifice, præscriptum fuerit, teneo; quid-  
quid improbatum, improbo; damnatum damno; a-  
nathematizatum, anathematizo. Item libro 10.  
de Gratia Christi in Epilogo. Quidquid de re-  
bus tam multiplicibus, tam arduis, non juxta  
meam mentem, sed juxta mentem S. Augustini  
pronun-*



pronuntiavit, & de Apostolica Sedis, Ecclesiæ  
Romanae, Matris meae judiciô sententiâq, su-  
spendo; ut illud jam nunc teneam si tenendum,  
revocem, si revocandum; damnem & Anathema-  
tizem, si damnandum, & Anathematizandum es-  
se judicaverit.

*Secundo Convenit.* Ut Orthodoxus ad ob-  
struendum os loquentium iniqua, habeat in prô-  
ptu Selectos Romani Pontificis Titulos, ex Pa-  
tribus Sanctissimis ac Doctissimis, & ex Cōciliis  
Generalibus desumptos. Porro è plurimis, quos  
fussissimè cum Eruditissimis Glossis recenset  
Pater Raynaudus librô suprâ citatô, sunt eti-  
am hi.

## ROMANUS PONTIFEX est.

Aaron dignitate, Abraham Patri-  
archatu. Ita Sanctus Bernardus libro 2do de  
Consideratione. cap. 8.

Antistes Summæ Sedis. S. Petrus Damiani,  
lib. 11. Epistola 71. floruit Annô 1060.

Apostolicus Universalis Ecclesiæ, & Episcopus  
omni

*Digestio Al-  
phabética Se-  
lectorû Ro-  
mani Pōrifi-  
cis Titulorû  
apud Patres  
& Concilia.*



omnium Ecclesiarum. Concilium Chalcedo:

*Act. 6. Celebratum fuit Annò, 454.*

Archi-Pastor Ecclesiæ, quæ sub Cælis est. *Sanctus Theodorus Studita Epist. 33. ad Leonem Tertium. Miraculis clarus migravit in Cælum Annò Domini 826. S. Studita.*

Beatitudo, cui Episcoporum judiciaria, & Summorum finem Ecclesiasticorum negotiorum, in honorem B. Petri, Patrum decreta omnium, cunctâ reservavêre sententiam. *Tres Synodi Africane, in Epist. Synodica ad Damasum Papam.*

Cacumen, ac Vertex humani generis, *S. Petrus Damiani, Opusculo 23. cap. 1.*

Caput Divinissimum omnium Caputum. *Sanctus Theodorus Studita. Epist. 33. ad Leonem Tertium.*

Caput Christianæ Religionis. *S. Petrus Damiani, Opusculo 4to ex Edicto Constantini.*

Caput, à quo membra, quid credendum, quid opinandum, quid tenendum sit, quærere debent. *S. Cyrillus Patriarcha Alexandrinus (floruit Annò Christi 430) in Thesouro. Citat hunc*



- hunc textum S. Thomas, Opusculo 1. & 19.*  
**Custos Vineæ**, à Salvatore ipso deputatus. *Concil: Chalced: in fine & Act: 3. in Relat. Synodica ad S. Lebnem Papam.*  
**Custos Vitæ, & Fidei Christianæ.** *S. Anselmus Cantuariensis Archiepiscopus lib. de Incarnatione Verbi. Capite 1. obiit hic Sanctus Anno 1106.*  
**Custos Fidei.** *S. Petrus Chysol. Serm. 107. & Concilium Ephesinum Tomo 2. cap. 15.*  
**Custos Sponsæ Domini.** *S. Bernardus Epist. 49. & 161.*  
**Depositor Profanarum Hæresum.** *Synodus Alexandrina, ad Felicem Papam.*  
**Doctor Supremus, Orbis terrarum.** *S. Damascenus in Hist. Barlaam. cap. 11.*  
**Dominus Domûs DEI, & Princeps omnis Possessionis ejus.** *S. Bernardus Epist. 237.*  
**Dominus & Pater totius Ecclesiæ in terra peregrinantis.** *S. Anselm. lib. de Incarnatione Verbi cap. 7.*  
**Episcopus, solus Universalis omnium Ecclesiarum.** *S. Damiani, Opusc. 23. cap. 1.*



Fastigium sublime Sacerdotii. *Sanctus Cyprianus Epist. 52.*

*Tituli, quos  
Romano Pō-  
tifici Conci-  
lia & Patres  
scribuere con-  
sueverunt.*

Firmamentum Ecclesiæ Corporis Christi, Principatus, & Caput, Pastor humani Gregis, Petra Ecclesiæ, & Clavicularius Regni. *Sanctus Isidorus Hispalensis Episcopus libro de vita & morte Sanctorum. cap. 69. migravit in Cælum Anno Christi 636.*

Gubernator Magnificus Romanæ Sedis, Summus Pontifex & Universalis Papa. *Episcopi Germaniæ, ad Ioannem 8vum:*

Hæres, cui Orbis Hæreditas. *S. Bernardus, lib. 3. de Considerat. cap. 1.*

Homo hominum præcipuus. *S. Petrus Damiani, Opusc. 23. cap. 1*

Interpres vocis, B. Petri, omnibus constitutus. *Concil. Chalced. Epist. ad S. Legnem Papam.*

Lingva Cœlorum. *Sanctus Petrus Damiani Serm. 6.*

Lumen magnum Princeps Sacerdotum primus. *S. Theodorus Studita, lib. 2. Epist. 12. ad Paschalem.*

Magi.



Magister Orbis totius. *S. Damasc. in Hist. Barlaam. cap. 11.*

Medicus unus, singularis præcellens, Catholicissimus, id est, Universalissimus, à DEO proviſus, sanandis Christi membris. *S. Ignatius Episcopus Constantinopolitanus, ad Nicolaum I.*

Murus inexpugnabilis, contra omnes Hæreses. *Rupertus (floruit circa Annum 1115) lib. 2. Offic. cap. 22.*

Nutritor, cui commissa est Ecclesia. *S. Bernardus Epist. 237. quæ est ad Eugenium Papam.*

Oculus totius corporis, ostendens rectam veritatis semitam. *Tarasius Constantinopolit. Episcopus, Epist. ad Hadrianum Papam.*

Pastor unus Ovium, & Pastorum omnium. *S. Bernardus libro 2. de Consid. cap. 8.*

Pater omnium Episcoporum & alii Filii ejus, est Princeps & Patriarcha, cui data est potestas in omnes Principes Christianos, & omnes populos eorum, ut qui sit Vicarius Christi Domini nostri suprà cunctos populos &



Universam Ecclesiam Christianam. Concili-  
um Nicanum primum Canone 39.

Tituli, quos  
Romano Pō-  
tifici Conci-  
lia & Patres  
tribuere con-  
sueverunt.

Pater Christianæ Plebis. Sanctus Augustinus  
Epist. 162.

Pater Orbis. S. Damiani Opusc. 23. cap. 1.

Pontifex Summus Magnæ Sedis Apostolicæ  
Concilium secundum Constantinopolitanum,  
Act. 4ta. Multi Sancti Patres, Ro-  
manum Episcopum, Pontificem Summum, vel  
Maximum, appellarunt; sic Stephanus Epi-  
scopus Carthaginensis in Epist. ad Sanctum Da-  
masum. Sanctus Anselmus in Prefatione  
Libri de Incarnatione Verbi ad Urbanum  
Papam. Sanctus Bernardus in omnibus suis  
Epist. ad Innocentium Secundum & Euge-  
nium Tertium.

Portus securus totius Ecclesiæ. S. Theodorus  
Studita in Epist. ad Paschalem Papam.

Portus tutissimus Catholicæ Communionis.  
S. Hieronymus Epist. 16.

Primipilus Christianæ militiæ & Signifer Im-  
peratoris Æterni. Sanctus Petrus Damiani  
sect. 37.

Primas



**Primas Primatum.** *Gregorius IX, in Epist.  
ad Gennadium Patriarcham Constantinopolitanum.*

**Primas omnium Episcoporum.** *S. Leo serm. 2.  
de sua Assumpt.*

**Princeps Episcoporum.** *Synodus Epyri ad Hormisdam Papam.*

**Propugnator impenetrabilis ab omni errore, quē  
DEUS providit, doctrinis Eum per omnia  
veritatis astringens; ut quemadmodum Pe-  
trus, ita & hic, affectu ferventiore decertans  
omnes ad DEUM perducatur.** *Concil. Chalcedonen. Act. 19.*

**Quodammodo fons Cælestis Sapientiæ.** *S. Petrus Damiani Opusc. 7mo.*

**ReCTOR propriè omnium.** *S. Leo Serm. 2. de  
sua Assumpt. 42.*

**Refugium Commune.** *Sanctus Bernardus,  
Epist. 198.*

**Rex Regum, & Princeps Imperatorum; Præ-  
cipuus hominum.** *S. Petrus Damiani Opusc. 23.  
cap. 1.*

**Sacerdos Magnus, Summus Pontifex, Princeps  
Episco-**



*Tituli, quos  
Romano Pō-  
tifici Conci-  
lia & Patres  
tribuere con-  
sueverunt.*

*Episcoporum. Sanctus Bernardus libro 2, de  
Consid. cap. 8.*

Sacerdos Sacerdotum Divinitus omnibus præ-  
minens, & Pater Patrum, Dominus Noster,  
ter Beatissimus Papa. Ita Abbates & Mo-  
nachi Græci in Concilio Lateranensi sub S.  
Martino I.

Sedes Prima, quæ & unamquamque Synodum sua  
Autoritate confirmat, & continuata mode-  
ratione custodit pro suo Principatu, quem  
B. Petrus Apostolus Domini voce perpetua,  
Ecclesia nihilominus subsequente & tenuit  
semper & retinet. Gelasius Papa in Epist:  
ad Episcopos Dardaniæ.

Sol Æterni Luminis. S. Maximus Epist: ad  
Marinum Diaconum.

Sponsus Ecclesiæ. Concilium Generale Lugdu-  
nense.

Thronus Supremus Verticalis, in quo Christus,  
Fidei Claves posuit; adversus quem non præ-  
valebunt, usque ad Consumationem, portæ in-  
feri; Ora scilicet Hæreticorum. S. Theodo-  
rus studita, Epist. ad Naukratium.

Tuba



**Tuba Sanctissimi Spiritus.** *Theodoretus in Epist. ad S. Leonem Papam; Præcipuo jure, Papa dicitur Tuba Spiritus S. Quia solius est Romani Pontificis proponere infallibiliter Sacram doctrinam, assistente ipsi hac in parte Spiritu S. Item ejus est, omnes ad bellum Sacrum contra errores & vitia potenter animare.*

**Turris fortitudinis.** *S. Bernardus Epist. 257.*

**Vertex Apostolicus Præsulorum.** *S. Athanasius cum Collegis in Epist. ad Felicem II, & Episcopi Africani ad Theodorum Papam.*

**Vertex Apostolicus Præsulorum,** cujus vetusta sollicitudo est, tam mala damnare, quam revelare laudanda. *Episcopi Africani in Epist. ad Damasum Papam.*

**Verrex Ecclesiarum,** super cujus firmamentum, Ecclesiæ Columnæ, qui Episcopi intelliguntur, confirmatæ sunt. *S. Damasus Epist. 4.*

**Vertex membrorum omnium Ecclesiæ.** *S. Augustinus serm. 124. de tempore.*

**Vicarius Christi.** *S. Ambrosius, libro 10 in Lucam, cap. 24. S. Bernardus lib 2. de Consideratione cap. 8. & libro 4. cap. 7. Eu-*



genius IV. cum Concil. Floren: in literis Unionis.  
Vicarius Generalis Christi solus in Mundo.

*S. Brigitta lib. 7. Revelationum cap. 19.*

Vice Christi fungens, & Summo Pastorum in  
Apostolica dignitate succedens. *S. Petrus  
Damiani, Opusculo 7. cap. 4.*

Vir Sedis Apostolicæ, qui Universam plenitu-  
dinem Catholicæ Ecclesiæ, beneducit & or-  
dinatè secundum Legem Divinam deducit.  
*Sanctus Maximus Epist. ad Petrum Illustrè.*

*Desiderium  
Authoris.*

Utinam omnes Viatores, ab ejusmo-  
di Sedis Apostolicæ Viris, ordinatè  
secundū Divinā legē, deduci se si-  
nant, haud dubiè, terminū desidera-  
bilem viæ suæ, scilicet Cælestem  
Patriam, consecuturi.

F I A T. A M E N.





# I N D E X

Rerum notabilium quæ in hoc libro  
continentur.

## A.

Alexander III Papa decrevit, ut recurratur ad  
Romanum Pontificem, pro Canonizatione. à  
fol: 72. & merito id statutum est. à fol: 73.

Alphabetū Selectorum Romani Pontificis Titulorū  
apud Patres & Concilia. à fol. 119. ad fol: 128.

Ambrosiano in Hymno non continetur Vaticini-  
um de Luthero. à fol: 115.

AntiChristi adventum signa sex præcedent, &  
quæ nam? à fol. 95.

## B.

Babylonis nomine quid intelligitur? à fol: 106.

S. Bernardus Malachiæ sibi amicissimi conscripsit  
vitam, ex ea firmantur multi Articuli Fidei no-  
stræ. fol. 5, Divi Bernardi sensus de Romanis  
Pontificibus. à fol. 102.

## C.

Card: Bellarminus eruditè ac rectè deducit, fuisse  
Lutherum designatum per stellam, quam  
S. Joannes cap: 9. Apoc. describit cecidisse  
de Cælo. à fol. 80.



Christus Dominus, quo Anno Ætatis suæ, affi-  
xus Cruci? fol. 58.

Christi nomen & Antichristi, variè sumitur. à fol. 90.  
Calvini & Lutheri impudens calumnia de Roma-  
nis Pontificibus. à fol. 92.

Calvinistica impia detorsio Sacræ Prophetiæ con-  
tra Romanos Pontifices. à fol. 112.

Ceremoniæ in Canonizationibus, quænam olim  
adhibitæ? à fol. 74.

### D.

Deipara quô Annô Ætatis suæ, obiit? fol. 59.

Desiderium Authoris. fol. 128.

Donatistarum errores. fol. 83.

### E.

De Ecclesia Romana, Antiquorum Patrum sen-  
sus. à fol. 107.

Eunomii Hæresiarchæ impia doctrina. à fol. 83.

### F.

Fausti Manichæi erronea dogmata. fol. 84.

### G.

Georgii, Ducis Saxoniae, sensus de Lutheri do-  
ctrina. fol. 89.

De S. Gregorio Magno, quidnam sentiant Centu-  
riatores & Lutherus? fol. 101.

### H.

S. Hyacinthi Canonizatio ut differretur, cur qui-



dam interdebant? fol. 69.  
Hus, contraria docuit Luthero. fol. 104.

I.

Jansenius deprædicat Romanā Ecclesiā. à fol. 118.  
Joachimo Abbati, attribuitur falsò Prophetia de  
successione Romanorum Pontificum. à fol. 33.  
Joviniani impia dogmata. fol. 84.

L.

Lutheri Prophetiæ multifariæ erroneæ. à fol. 76.  
Errores antiquarum Hæresum eduxit ab inferis  
Lutherus. à fol. 86. quā Sobrius, laudat Ecclesiā  
Romanam. fol. 100. & 117.

M.

Sancto Malachiæ attribuitur falsò Prophetia de  
successione Pontificum Romanorum, cūq; præ-  
dictio illa erronea. à fol. 7. illius prædictionis  
quis primus Scriptorum meminit, & quis eam  
interpretatus? fol. 2. S. Malachiæ vitæ com-  
pendium. fol. 3. circa illam prædictionem al-  
versio bina notatu digna & perutilis. à fol. 17.  
Patris Menestrier, item P. Papebroccii, nec  
non Patrum Revisorum Romanorum Sententia  
de illa Prophetia à fol. 14. Paradigma illius Pro-  
phetiæ. à fol. 19. N.

Nomen Petri cur nullus Pontificum Romæ assum-



psit? à fol. 65. Cur assumpti ad summum Pontificatum, mutant nomen? à fol. 65.

O.

Octavianus electus in Papam, primus mutavit nomen & cur? fol. 65.

P.

S. Petrum fuisse Romæ, & quidem Episcopum Romanum, probatur, solvunturq; in contra objectiones Hæreticorum, à fol. 55. Quanto tempore fuit Episcopus Antiochiæ & Romæ? fol. 61. Cathedra S. Petri asservatur Romæ Ibidem.

P. non erit Papa, falsum. à fol. 63. Falsum item, quod si Papa aliquem in Sanctorum numerum. referat, brevi sit moriturus. à fol. 69.

Papæ nomen, quibusnam antea conveniebat? & nunc cui? Et quidnam significat hæc dictio, *Papa*? à fol. 47. Quid est, esse Papistam? à fol. 79.

Pseudo-Apostolicorum nefaria dogmata à fol. 85.

R.

Romano Pontifici Neoelecto, non dicitur: *Non videbis Annos Petri.* fol. 43. Quinam Pontifices Romani brevi tempore rexerunt Ecclesiam? à fol. 43. Congruentiæ variæ afferuntur ex Authoribus pro brevitate vitæ Romanorum Pontificum & refelluntur. à fol. 48. Statuuntur



tur veræ aliæ hujus causæ. à fol. 53.  
Romanæ Urbis Elogium. à fol. 109.

S.

Servum servorum DEI; primus ferè se nuncupa-  
vit S. Gregorius Magnus. Et quam ob cau-  
sam? fol. 113.

In Sanctorum Album quis primus à Pontifice  
Romano relatus? fol. 71.

T.

Testes duo Apocalyptici, non est Hus & Luth-  
rus; vel Lutherus & Calvinus. à fol. 103.

V.

Universalis Episcopus, in quo sensu est Papa? f. 114.  
Vigilantii error. fol. 85.

Z.

Zvinglii judicium de Luthero, & è contra Luth-  
ri de Zvinglio. 105.

## Ad M. D. G.

Menda potiora Typothesica, sic emenda.


*Pagina 5. versu 4to à fine, lege, refert. Pag: 6. v. 4. lege, inquit.  
P: 49. v. 3. contremiscat. Ibidem v. 5. à fine, meritis P. 74. v. 9.  
causis. P. 96. v. 12. loquatur. P. 100. v. 2. mortem.*


















Biblioteka Jagiellońska



stdr0015828



1461

29 MAY 1911

1461. Gengell Georgius.

Censura prophetiarum de Romanis  
pontificibus quæstionibus multifariis illu-  
strata. Leopoli, 1724.

*ban*



P. P.

NE